

3150/3432.82

CHINESE - JAPANESE LIBRARY OF
HARVARD - YENCHING INSTITUTE
AT HARVARD UNIVERSITY
MAY 7 1938

澤州府志卷之六

山川

前明陸深曰太行山川有極佳者大率萬山中得一平曠有水處便立州縣澤之郡縣皆在萬山中而川之大者曰沁曰丹曰濩澤咸奔赴河濟爲渠爲浸灌輸民田第其中若底柱若丹源多爲詳說者以流傳不可以不正曾子固云理使客之館而辨其山川者太守之事也爲之志山川

鳳臺縣

太行山在縣南三十里地絡包孕氣厚勢完縣延中原千里不絕直上應東西河漢靈竒秀拔隨地結脈而異名其在澤州者尙其行而折也禹貢導峽及岐至于荆山逾于河壺口雷首至于太岳底柱析城至于王屋太行恒山至

哈佛大學漢和
圖書館珍藏印

于碣石入于海 括地志曰太行山連亘河北諸州凡數千里為天下之脊 明道程子曰太行山千里片石衆山皆石上起爾 明唐樞太行山記曰山自北紀雲中發宗行平定州至上黨遼沁潞澤衍亘多起彰衛懷三府南受瀋垣中原自是西奔為中條至雷首東發為燕山至碣石左右行皆其托祖故曰太行又以介省故名省曰山之東山之西太行中原之正脈兩腋如華蓋所以冒中原而重其力惟其起張兩腋故身不自結而凝為所冒之中以其行局之宏非太不足以當之而其伊止之所乃所以為行之地蓋言意也 王應麟伯厚地理通釋曰秦漢之間稱山北山南山東山西者皆指太行 以其在天下之中故指此以表地勢 明江寧顧起元太行考曰山海經太行山

一名五行山列子作太形則行本音也河圖括地象云太行天下之脊郭緣生述征記云太行首始河內自河內至幽州凡有八陁爾雅山中絕曰陁第一軹關陁第二太行在鄴西第五陁陁第六飛狐陁第七蒲陰陁此三陁在中山第八軍都陁在幽州 崔伯易感山賦上正樞星下開冀方起為名邱妥為平岡魏乎其尊其名太行蓋趁韻之誤耳按顏師古酈善長水經注曰淮南子云武王欲築宮於五行之山周公曰五行嶮固德能覆也內貢迴矣使吾暴亂則伐我難矣君子以為能持滿高誘云今太行山也在河內野王縣西北上黨關詩所謂徒矻野王道傾蓋上黨關即此山矣 山海經北次三經之首曰太行山郭璞傳曰今在河內野王縣西北行音戶剛反 其首曰歸山其上有金玉其下有碧有獸焉其狀如麋羊而四角馬尾而有踞其

名曰驪善還其鳴自訶有鳥焉其狀如鵠白身赤尾六足其名曰鵠是善驚其鳴自訶 凡北次三經之首自太行

之山以至於無逢之山凡四十六山萬二千三百五十里其神狀皆馬身而人面者廿神其祠之皆用一藻菴瘞之

藻聚藻菴香草蘭之類

其十四神狀皆彘身而戴玉其祠之皆玉不

瘞不用玉也

其十神皆彘身而八足蛇尾其祠之皆用一璧

瘞之大凡四十四神皆用稌糝米祠之此皆不火食 列

子太形王屋二山方七百里高萬仞 括地志太行山在

河內縣北二十五里南屬懷州北屬澤州 朱子文公語

錄太行山一千里河北諸州皆旋其趾潞州上黨在山脊

最高處過河便見太行在半天如黑雲然又曰太行山極

高晉州蒲坂山之盡頭又曰太行自崑崙北支入中國西

南行歷并冀三晉抵河東復與河會 蘇端明軾書臨城

道中曰予初赴中山連日風埃未嘗了了見太行也今將

適嶺表頗以是為恨過臨城內邸天氣忽清徹西望太行

草木可數岡巒北走崖谷秀傑忽悟歎曰吾南遷其速返

乎退之衡山之祥也書以付邁使志之 省志云太行為

諸山總會西南接底柱析城王屋又西迤姑射中條雷首

東北跨陵川壺關潞城黎城遼州和順武鄉諸州縣又東

為燕山至碣石綿亘數千里隨地異名北嶽霍山五臺句

注蘆芽皆其支脈海內名山繇崑崙而下當以此山為第

一云傅氏舊志曰通志云太行山中原望鎮也形大而原

遠地界夷夏省畫東西非一方可專惟擇諸峰特起雄峙

天下為太行總會故特標圖經

月院山縣南六十里太行絕頂石壁嵯峨飛泉噴薄下臨天
枉峰有潭深不可測鏡詩曰溪潭直上孤峰底恠柏蒼蒼
老不死藜杖長拖嘯一叢虎豹潛形盡縮耳須臾有客話
無生旋煮新茶汲冰水樵歌依約耳邊來詩情只在烟嵐
裏山人李題

天柱山縣南六十里有普照寺

橫望嶺縣南六十里唐書狄仁傑自汴州參軍移并州法曹
親在河陽仁傑登太行山反顧見白雲孤飛謂左右曰吾
親舍其下瞻悵者久之雲移乃得去志云舊有隸書碑石
郡守錢唐朱樟于雍正十二年復立石其上曰狄梁公望
雲處

黑石嶺縣南八十里太行絕頂水經注云澤水又東得陽泉

水其水東逕陽陵城南歷焦燒山東下與黑嶺水合水出
西北黑嶺下卽開蹬也登其上中原胥在日矣

峽石山縣東南三十五里兩石對峙若門丹水湍奔其下上
有青蓮寺有嵌崖豪丈餘廣倍之暴雨驟發中罅如雷鳴
西有擲筆臺相傳慧遠注涅槃經成擲其筆曰若疏義契
理筆當駐空已而果然

珏山縣東南四十里兩山玉立若了角然故又曰角山中秋
月湧正中適當其缺玉臺明鏡光景絕竒上有欵月臺山
頂建真武廟

松林山縣南三十里山陽白龍洞山陰觀音洞東接晉普山
浮山縣東南三十五里插入天漢高若雲浮形家謂爲天馬
上有伏羲廟北谷有媯皇窟中虛如囊相傳鍊石補天處

崔伯易感山賦序曰太行一名皇母一名女媧接珏山磨齒山有女媧祠丹水經其下

磨齒山縣東二十五里有媧皇廟連珏山浮山丹水流其下一名磨兒山

石人山縣東南八十八里太行絕頂兩峰對峙離立如人有龍潭水經注丹水又東南流注於丹谷晉書地道記曰縣有太行關丹谿爲關之東谷途自此去不復由關矣又逕二石人北而各在一山角倚相望南爲河內北曰上黨二郡以之分郡元郝經太行望詩西北兩峰寒云是雙石人一名聖人崖

玲瓏山縣東七十里有風穴居人以石覆之一名崆峒山洞子巖縣東南十五里下臨聖字泓一名琵琶泓有黑虎洞

琵琶寺唐宋勝游之地楊謨詩晉城出郭十里餘百丈懸崖掛層屋耳躓不聞琵琶聲但見一泓春水綠

天池嶺縣東三十七里高巖壁立如城南北二石門中可容千人昔嘗爲避兵地

紫金山縣東南九十里中有黃龍洞迤正東五十五里有蓮花洞太行之支

蟠龍山二一在縣東南九十里有淨影寺一在縣西北六十里有鳳林菴元泉寺

香爐山二一在縣南三十里懸崖斷澗中峯突起故名太行之支也一在縣西北四十里大陽鎮山下有水名虎跑泉滙爲鎮之南河

莒山縣東北五十里有道泉溪有藺相如廟

全玉嶺縣東北四十五里莒山左相傳蘭相如令舍人持壁
從間道歸趙經此至今訛金

玉仙山縣西南三十里有白石先生祠

晉普山縣西南三十五里山陰積雪入夏不消有九泉上有
李衛公廟

吳神山縣西南六里卽晉普之支廟祀泰伯仲雍

松嶺山縣西南九十里晉普山之對楊廷秀詩澤居太行顛
繞郭山如帶西南古松嶺傑出羣峰外

佛頭山縣西南四十五里與晉普山對峙

追山縣西南五十五里上有湯王廟

金剛嶺縣西二里伏莽僻徑行人少至今成康莊

寶山縣西南五里卽碧落山之支有寶山寺下爲冶家河以

鑄山得名

五門山縣西十二里連碧落山環列如城墉通行處凡五

桃固嶺縣西二十里一名寨子嶺上有山寨路由周村達陽
城縣

萬松山縣西南三十里劉龍靈巖寺藏塔記曰澤西南有山

曰萬松中有寺爲靈巖其山蜿蜒綿亘若鸞鳳騰翥松檜
森蔚行竟日不見天日爲太行一支勝槩寺亦茲山佳境
也寺接晉普山下

可寒山二一在縣西三十五里連岳神山有乾明寺下接東

溝一在縣東北三十里有龍王廟下接巴公鎮

方山縣西四十里壁立如砥可寒之支上有北岳廟陽城亦
有方山

岳神山縣西四十里連沁水縣榭山陽城縣史山沁水逕其下有天仙祠以樂氏二女名

黃沙山縣西四十五里上有仙掌跡北岳廟晉普之支山洞陽山縣西四十二里上有天仙廟

五龍山洞陽南六里有水簾洞石殿康熙十一年七月大雷雨震裂山石中涵一泉深清其寒有疾者飲之輒愈邑人陳氏壯履有記

碧落山縣西北十五里複嶺干松寒翠爾谷每陰晦雲即離離然一名卧雲山下臨碧落寺後石佛谷東接司馬山二山綴屬城堞屏翳右有沙河流逕城南入白水

司馬山縣北十里魏司馬懿封長平侯嘗登此山又司馬就司馬望胥守是郡故名風土記司馬山在晉城初學記曰

晉代祠此因以爲名西有小析山上有嘉澗池連聖王山土斷爲五門山左有沙河逕城東匯白水

伊侯山縣西北二十里沙河水源出此相傳伊尹從湯禱雨經此有伊尹廟 香山縣西北六十里

聖王山縣西北四十里有湯廟顯化池

梧山縣西北六十五里相傳梧邱子隱此

吾山縣西北接高平界在三家店北三峯疊翠夕照倍佳步佛山宋紹興間太行義士王忠植詣慶陽城下呼曰我河

東步佛山忠義人也考無此山其卽縣西南之佛頭山乎青龍洞城南二十里有泉自洞中出冬夏不竭上有祠旱禱屢應天順七年碑記

羊腸坂縣南三十里括地志云河內縣北有羊腸坂元和志

曰太行陁在懷州北闊三步長四十里羊腸所經瀑布懸流實爲險隘蔡澤謂應侯決羊腸之險塞太行之道曹孟德詩北上太行山艱哉何巍巍羊腸坂詰曲車輪爲之摧劉歆遂初賦曰馳太行之嶮峻入天井之高關太行天井羊腸其險峻可知按說苑桀之居伊闕在其南羊腸在其北今太原西北九十里通河西上郡關者是又通典陽曲縣有乾燭谷卽羊腸坂鄧訓曰今崞嵐州界羊腸坂也隋煬帝登太行山問崔隨曰何處有羊腸坂對曰案漢書地理志上黨潞州壺關縣有羊腸坂曰不是答曰案皇甫士安撰地書云太原北九十里羊腸坂曰是也此王伯厚地理通釋及胡渭氏禹貢錐指二書所引然則石陘縈委皆可名羊腸坂而太行爲特著云又田氏曰羊腸坂史

記正義云太行山坂道名南屬懷州北屬澤州

天井谷縣南四十五里

磨盤寨縣南六十里

碾子谷縣南二十里宋石守信破李筠於此

九里谷縣南九里元李俊民詩連峰忽斷開山門

石佛谷縣西北四十五里碧落山後皇甫湜詩漫漶太行北

千里一塊石平腹有壑谷深廣數百尺

丹谷縣東北三十里晉書地道曰縣有太行關丹谿爲關之

東谷途自此去不復由關矣魏建義三年源子恭鎮太行

丹谷時爾朱世隆駐建興高都爾朱兆自晉來會寇丹谷

崔伯鳳戰歿羊文義等開柵降兆子恭奔

宿鳳臺縣北四十里李村相傳晉太始元年有鳳集於高都

之北雍正六年陞州爲郡附郭縣名鳳臺以此

天井縣南八十里附天井說 天井去縣八十里太行山頂

星輶鎮南道左天生管井井口徑七尺圍二丈許其深不測投以大石初礮磕有聲詳聽窅不知所極往時有人畜墮落悉不見影跡俯窺惴慄不敢近其險如此酈道元水經注引地理志曰高都縣有天井關蔡邕曰太行山有天井關在井北遂因名焉而說者遂以蔡中郎所云乃謂在天東井宿之北以不知有天井故仿儼臆度論者莫察卽以天之井宿名天井金不詳太行之實有天井也今攷名地兼訪之邑人知鑿確有天井在與中郎說吻合蓋天井關去井北三十餘里在蔡說雖不言道里幾何而曰井北信然若云井宿隨天左旋又何北之足云且山尚有天井

谷天井溪皆因天井名何以名地者不古之是信今之是考遽以井宿當之而從未指稱天井之實有處所古人以天井名關亦以見其奇險矣前後書志皆忽而不載特摘出辨之 濟源縣北二十里盤谷西北有天井谷石上數坎其深若井水自上溢相接而落遠視若倚劍然韓退之和盧郎中送盤谷子詩有云昔尋李愿向盤谷正見高崖巨壁爭開張是時新晴天井溢誰把長劍倚太行衝風吹破落天外飛雨白日灑洛陽是盤谷中有谷亦名天井但去關彌遠耳至鳳臺南四十五里有天井谷又有天井溪咸以天井名蓋有天井而後各藉以名山川則天井之名實有專屬也

後漢書孝章帝元和二年三月乙未幸東阿北登太行山

至天井關注曰在今澤州晉城縣南今太行山上關南有
天井泉三所也今按關南天井祇管井而無泉或始有今
涸耶天井谷不可考或即天井第道里不合天井溪有水
而非井濟源天井谷去關約五六十里夫曰泉山之有泉
者多不得以井名名天井固有似井者

猷谷元好問有寶巖紀行詩詳藝文

龍門峽縣東二十五里丹水兩山夾流傳為禹鑿

龍潭峽縣東南九十里水經注丹水東南歷西巖下巖下有

大泉湧發洪源巨輪宋本作洪淵深不測蘋藻冬芹竟川

含淥雖嚴辰肅月燕麥暄萋此五股泉流滙下陡絕為潭
傳僧慧遠對龍門說法之地

十八盤 潦坡 鐵櫛山皆在縣東南

丹水在縣東北六十里山高平寨上村入界源出高平丹朱

嶺東南流注縣之丹谷逕石人山北又東南會白水歷西

巖龍潭東南出山郭經曰丹水穿太行下山名丹口南流

水經注曰丹水又東南流注於丹谷晉書地道記云縣有

太行關丹谿為關之東谷逕二石人北東南歷西巖下又

南白水注之東南出山逕郟城京相璠曰河內山陽西北

六十里有郟城又南屈而西轉光清水出焉又西逕苑鄉

城南屈東轉逕其城南東南流注於沁謂之丹口 按水

經注丹口接沁水郭氏謂出山之口名丹口要之丹與沁

會別以丹口丹水下山亦出口洪流也兼引之

白水縣南一里許源出五龍山之五龍池東入丹水水經注

曰丹水又南白水注之水出高都縣故城西所謂長平白

水也東南流歷天井關地理志曰高都縣有天井關晉太元十五年征虜將軍朱序破慕容永於太行遣軍至白水去長子一百六十里又東南流入丹水謂之白水交明一統志白水在城南三里源出湖泓水東南流合丹水

天井溪縣南四十五里源出天井關北流注白水水經注曰白水又東天井溪水會焉水出天井關北流注白水謂之北流泉又一名聖井關

沙河一在城東關發源司馬山一在城西關發源伊侯山至城東南會白水雙流抱城近在里許

源漳水縣東北三十里源出東可寒山去巴公鎮八里泉在山背東流入丹水水經注曰丹水又屈而東注左會絕水絕水出洺氏縣西北楊谷舊唐書云武德元年移丹川於

源澤水卽此

雙泉縣東三十里白湍奔流自成潭渚經暑不涸居民引渠以資灌溉一名瀑泉

五龍溪縣東南三十里上建五龍宮

瀑水簾縣南三十里郭壁村一名水簾洞石崖高出洞口湧泉自崖而下醞流成瀑

黑龍潭縣東北十里司馬山下禱雨以石投之

錦溪縣西七里夾岸溪流屈曲春夏之交花藥掩映上有落花寺

小山泉水縣西南三里一拳堵立泉出巖罅間清瑩甘冽流響淙淙卽冰雪荒寒而芹藻猶被澗戶

洞靈泉縣西南五里石隙一窪盈尺菴僧云仲夏水每及半

澤州府志 卷之六
扉一名流杯泉

馬跑泉縣東南三十里

溫泉二一在縣東南十里一在縣東三十里郭壁山中

按邑之水源亦不少支分派別泉脉浸廣頗散漫徑谷間任其盈涸流行曾未有如鄭白者興渠收瀦以溥美利一遇旱熯便至枯竭無所控告徒咎澤爲空名謂非東南澤國可比文潞公曰河溢非天災予亦謂水利非地力是在人爲耳

白羊泉縣東南五十里水出硤石珏山間水盛流成川合丹水南下

五龍潭城南三里上有五龍宮郡侯每禱雨於此有古龍潭水極清冽中沉鐵牌勒記年月多唐宋時年號得雨後鑄

投以酬神者潭上碑曰龍泉八分書甚古外有水曰柳溪亦資灌溉

溴水水經注出原山勳掌谷謂之白澗水源三一出秦嶺山下

朱溝津水出高都故城俗謂之源源水與丹水合

高平縣

米山縣東南十里春秋米子國赤翟後戰國趙將廉頗積糧於此土人因名大糧山有定林寺內定林泉劉龍米山鎮脩垣墻記曰高平縣東南十里有鎮曰米山居民猶一邑當澤潞之衝

發鳩山縣北五十里淮南子作發苞山山海經曰發鳩之山

漳水出焉東流注于河郭璞曰濁漳或曰出長子縣其上山鹿臺山而東至鄴入清漳

多柘木有鳥名精衛每入夜聞風雨聲畢氏曰五鳩少昊臣元魏有五鳩墓田氏曰發鳩山下有泉濁漳之源也有廟奉三神女謂主漳水傍侍女持白鳩傳漳水漲白鳩見闕駟曰潞水即濁漳山陰泉北入潞山陽泉南入丹濁漳漢志

云出鹿谷山淮南子出發苞山後魏志云出廉山要皆發鳩前後諸山及異名不同也

羊頭山縣北四十里與長子接界省志云有黍二畔其南陰地黍白其北陽地黍紅因之以定黃鐘陰地黍白乃高平界也隋律志曰上黨之黍有異他鄉其色至鳥其形圓重用之為量定不徒然縣志上有石狀如羊頭寰宇記曰神農嘗五穀之所上有神農城下有神農泉明朱載堉有秬黍辨田氏曰羊頭山在太行之北百五十里山最高俯視太行猶在下也危峯插霄日夕諸山俱暝而此峰迺照猶

光以地勢高山益高耳山東南相傳為炎帝陵石甃尚存

按山麓遶數十村圍三大邑東北長治西北長子正南

高平

虻蚘嶺縣東十里旱蝗祭此

丹朱嶺縣北四十五里長子界縣志長子縣界以堯封長子丹朱得名漢書云長子周史辛甲所封顏師古注長讀長短之長今俗為長幼之長非也田氏曰丹林訛為丹嶺而朱乃後人妄加耶辨見襍編山下丹水所出山海經曰謁戾之山其東有林焉名曰丹林丹林之水出焉南流注于河嬰侯之水出焉北流注于汜水

龍嵒山縣東二十里山形崆峒謂可望黃河喬松切雲上有

古寺一名招雲峰

七佛山縣東五里高出群山有淵雲泉左右環河唐僧鑿七石佛

營房嶺縣東十里趙廉頗屯軍于此背峯面澤有險可憑去嶺百步許有古戰場荒草平沙水聲嗚咽

游仙山縣南十里有游仙寺金李游仙通敏讀書於此啟地得古鐘聲徹山下數十里後年百歲終土人名里曰游仙

坊山陽有慈教院頭顱山縣西南五里秦白起坑趙降卒處唐中宗收頭顱盆葬此建廟有司春秋祀之

懸壺山縣西南二十里上有懸壺真人祠卧佛山縣西南三十里馬村鎮山凹有萬月亭

五龍山縣西南二十里相傳慕容永時有五色雲見此亦歐公五代史有異必書之意上有五龍池禱雨多應

空倉山縣西南四十五里秦白起詭運米置倉於此以給趙括舊建巡檢司城

龍王山縣東北三十五里上有三洞石渠寒泉漱玉滙為溪流昔人每觴詠於上

翠屏山縣東北二十五里層巒秀巘回互如屏舍利山縣東北二十五里唐釋子大愚公居此

穀遠山縣東北二十里出紅嘴鴉羊頭山之次蓮花山縣東北十里有石如蓮花介于迴峯曲嶂間

韓王山縣北十五里其山特起上有平地數畝登陟俯瞰四山如培塿相傳秦圍韓王于此有玉女泉縣治藉託之

山也

鳳頭山縣西北四十五里發鳩之顛形如鳳頭屹立乾地遙望縣城里人建廟以障縣治之缺西接仙翁山沁水縣界走馬嶺縣西北十五里出鐵鑛

金峯山縣西郭外三里有靈巖寺先月亭邑人多別業爲游覽地

浩山縣西四十里有石朶山峯似花朶山西爲老馬嶺沁水界

董峯山縣西四十里馬仙姑鍊形處有石柳

空箱山縣西四十里形似箱

金門山縣北五里土赤色耀日如金山趙軍壘門

石室山縣北三十里土人作石室且常見五色雲及晡散相傳有寶氣

釜山縣北三十里形如覆釜上有蒼頡廟名朗公山朗公蒼

頡也路史謂史皇神農後神農已作穗書書與穗相因起

今上黨羊頭山神農始種五穀處西連蒼頡古廟

傘蓋山縣北三十里長子界縣志云以形似名畢氏曰散宜

菟取散宜氏今高平散蓋訛傘按商蓋殷侯國周公勝

殷將攻商蓋辛甲曰難攻請先九齋攻九齋而商蓋敗畢

氏謂今高平蓋州是然則傘蓋商蓋之訛耳

牛心山縣西北三十里產石温潤可硯

仙公山縣西北三十里相傳張果老過此

黑龍洞在縣北石室山左朗公山下深數百步中有寒泉冷侵人骨

玉泉谷縣西三十里石壁下有清泉仄巖曲徑林木幽異

風洞縣東南十里山坡出恒三日入恒三日弘治間邑令楊子噐恐駭俗埋塞之今以龍神廟覆其上

省寃谷縣西北二十里唐志有省寃谷本名殺谷元宗幸潞州過此因更名雍正十三年正月太守朱樟立石

丹水源出丹朱嶺縣北四十五里山海經曰謁戾之山郭璞傳曰

今上黨郡涅縣其東有林焉名曰丹林丹林之水出焉水經注曰

丹水自源東北流又屈而東注左會絕水絕水出泫氏

縣西北楊谷地理志曰楊谷絕水所出東南流左會長平

水水出長平縣西北小山東南流逕其故城泫氏之長平

亭也白起坑趙卒于此其水東南流注絕水高都今鳳臺界泫氏今高

平絕水又東南與泫水會水導源縣西北元谷東流逕

一故城俗謂之都鄉水又東南逕泫氏故城南而東會絕

水亂流東南入高都右入丹水丹水又東南流注於丹谷

入鳳臺界矣

丹源辨

丹水之名自應據山海經丹林之水為是蓋考古者必証

之今居今者尤宜稽之古縣志丹源出發鳩山州省志皆

因之而州志於穀遠山下復云丹林之水出於羊頭山穀

遠縣是本志已具二說通志於鳳臺縣丹水下云舊號泫

水源出高平縣西北仙公山於高平縣云發鳩山在縣北

丹水源此是本志又有二說至漢地理志曰高都縣有苑

谷丹水所出水經注曰水出上黨高都縣故城東北阜下

俗謂之源源水今按高都舊城即今鳳臺高都鎮村去縣

三十里村後有苑谷名丹水所經而其源在丹朱嶺者甚

微至此始大古之建置廢入不一其名或互異有之至丹之名水經注本引山海經丹林之水則其源必有自可知田氏嘉穀曰丹朱嶺其古之丹林歟本丹林訛丹嶺而加以朱附會堯長子封此之說顏師古漢書注曰長子讀如長短之長或承訛謬遂致丹源失據其說可衷丹朱嶺有說別見而近究丹源之所在則丹朱嶺下一泓初出在縣西北四十餘里接長子界屈曲東南會衆泉而下逕鳳臺境南出山是其源與流之來去分明而丹之名更不必擣捨流血赤土之類以實其證兩志之曰爲牴牾者蓋緣未身履其地有說卽記載不暇詳焉耳

王伯厚地理通釋曰澤州高平縣有洺水一曰丹水按洺水水經注云出縣西北元谷東會絕水右入丹不得混爲一通典通攷高平漢洺氏縣西北有洺谷水

發鳩山山海經曰漳水出焉郭璞傳云濁漳並無丹水

穀遠山羊頭山之次近丹朱嶺如云穀遠縣今在平陽府

岳陽及沁州沁源縣地疑過遠

上黨記曰長平城在郡南山中丹水出長平山北南流秦坑趙衆流血成河由是俗名爲丹水水經注云此爲不經矣田氏曰高平志引方輿勝覽白起坑趙卒血流成丹故名丹水竹書紀年云晉出公五年丹水三日絕不流幽公九年丹水出反相擊考其時在白起趙括之前已有丹水其說謬

又志曰上黨諸山之水建瓴而下暴雨輒驟漲二三丈涌赤土似丹色然蓋山土多赤色山水驟發他處亦有然者

浮雲河縣城北宋祥符元年龍見河因以名金皇統二年龍復見省志曰絕水當卽今浮雲河

長河縣東北南流入丹水河渠迤遠環帶縈紆中界七佛山因有東西長河之別

許河縣南二十里合縣西南之水經許莊流入丹河省志曰長平水當卽今許河源出原潔泉

橫澗河縣南五里澗有石橋

天王池縣治集賢橋西水族不生卽投入亦不育

濟瀆池縣西六里骷髏村濟瀆本在懷慶鄉民於此建廟祀五龍池縣西二十里楊村五龍山下

淵靈泉縣東十里米山西谷有祠禱雨多感宋賜號淵靈

原潔泉縣西二十里原村卽許河之源周四丈深一丈五尺

極清甘冬溫夏涼東西分引溉田西南流十餘里合山澗

經許莊名許河上黨記曰長平城在郡之南秦壘在城西

二年共食流水澗相去五里省志曰此卽是耶

玉女泉在韓王山有祠土人禱雨于此

金龍泉縣北二十里圍池村相傳二魚時躍於泉遇雨卽飛去今之蓮花池

定林泉縣東十里米山鎮北有定林寺山穴湧出如噴珠飛玉可池可軒

舍利泉在開化寺一泓澄然汲之不涸

鴉兒溝丹朱嶺南宋慶元間老人張勝者多善行家溝之南麓日夕羣鴉集屋驅之不去子姓頗繁因名其溝

陽城縣

澤州府志 卷之六 山川
太行山縣東南連析城王屋諸山博物志云太行山北不知
山所限極

析城山縣西南七十里索隱曰析城山在河東濩澤縣西南
晁氏說之曰草木分析曰析山峯四面如城吳氏證曰有
南門焉水經注上澗水南歷析城山北山在濩澤南禹貢
所謂砥柱析城至于王屋也山高峻上平坦中有二泉東
濁西清左右不生草木數十步外多生細竹其水自山陰
東入濩澤水史記正義引古今地名云山方七百里

省志云連

王屋山言也

高萬仞寰宇記云山頂有湯王池俗傳湯旱祈雨

處今池四岸生龍鬚草括地志曰山在澤州濩澤縣西南
七十里天寶元年改縣曰陽城故通典云陽城縣有析城
山濩澤水也王屋山志析城之山升白氣于天落五斗峯
化爲濕雲自竇中滴水降太乙池舊志云周四十里上有
二泉元旱不竭與濟瀆通宋建成湯廟并析山嘉潤公祠
宇二百餘楹東巖有龍洞龍池龍窠

王屋山縣南百里尚書注晁氏曰山狀如屋地理今釋曰王
屋山在今河南懷慶府濟源縣西北九十里接山西平陽
府垣曲縣及澤州陽城縣界山有三重其狀如屋縣志曰
劉會孟云在山西澤州唐武德曾升縣治爲澤州金志陽
城有王屋山明程百二方輿勝畧陸應暘廣輿記俱載縣
境地理志曰王屋在河東垣曲縣東北垣曲卽今垣曲屬平
陽府省志謂西南跨垣曲縣境者也又云山堂肆考王屋
山在山西澤州陽城縣上有仙宮洞天廣三十里狀如屋
列子所謂愚公移山者卽此元和志曰山周一百三十里

高三十丈按山北絕頂曰天壇左石二峯東曰日精西曰月華上有石壇曰小有清虛洞天西有黑龍洞洞前有太乙池是濟水發源之處蓋既伏而後見于濟源也

底柱山縣東南五十里山有三峯中峯特高秀其下皆土起峯處則石若石柱然以形指稱非禹貢底柱也底史記作砥說文云底或從砥厲石也明都穆砥柱記曰特一巨石其平如砥禹鑿之爲三門

底柱辨

禹貢底柱析城至于王屋太行恒山至于碣石此導山自西至東從東至北之文又曰南至于華陰東至于底柱又東至于孟津東過路泗至于大伾此導水自南至東東而又東道理經由施功次第之脈絡經文秩然易知尚書大

傳曰此三山在冀州之南河之北東行今陽城析城山在西南底柱山在東南是東行之次已與經反而底柱析城王屋三山又皆近在三五十里之內經文中表識處獨無此之促總由誤以傳注中陝州三門山有底柱石謂之似鑿後得名一語遂將從前禹跡反說續加而入後牽連妄稱亂實承訛襲謬俾昭灼日星之文直墮黑障夫呂梁有二龍門有三積石有四名禹跡者隨處傳疑任意標指何怪乎陽城一山其形若柱遽因析城王屋而類聚之竝不詳經義何在前者聽聲後者應響并至本文而反生儼議焉可嘖也經言底柱者再見於導水曰東至于底柱則東行之文極確是先底柱而析城而王屋無疑如以底柱在陽城兼披其舊圖於經文應曰王屋析城至于底柱矣而

可乎今按底柱在陝州平陸界者爲禹跡其陽城之底柱是以形似得名不宜亂經

附衆說 縣志曰底柱山縣東南五十里禹貢底柱析城至于王屋勢相連屬且以經文考之導山皆注山導水注水導山自當經此書注云陝州三門有底柱石其形如柱似鑿後得名 前州志曰邑南五十里山有三峯若石柱然故名底柱禹貢至于太岳底柱析城至西南五十里爲王屋三山距黃河俱百餘里禹貢所稱卽此析城山邑西南七十里 後州志曰底柱山縣東南五十里山有三峯西南三十里爲析城五十里爲王屋勢相連亘禹貢底柱析城至于王屋以經考之當是書注云陝州三門山有底柱似鑿後得名 通志曰底柱山在縣東南五十里連析

城于屋山西南三十里爲析城五十里爲王屋禹貢底柱析城至于王屋孔傳此三山在冀州之南河之北東行尚書注陝州三門山有底柱石其形如柱似鑿後得名正義地理志云析城在河東濩澤縣西王屋在河東垣曲縣東北地理志不載底柱底柱在析城之西是指陽城底柱山也通考禹貢底柱析城至于王屋太行皆在州境是全有太行之險固

按諸志雜引經文誤闕傳注皆緣不詳大傳東行二字之義并疏中此三至東行之文因疑經文底柱反屬後起此一誤也至通志旣載大傳東行之說何復仍舊志文而云鑿後得名是再誤矣後引地理志不載底柱并引底柱在大陽關東析城之西此古人已明指底柱處所乃更復因

析城之西四字竟拉華陰以東之砥柱入之是引鏡而復
蒙以塵何哉又據按云正義指砥柱在析城之西是指陽
城砥柱也不知陽城之砥柱實在析城之東其圖與說具
在析城曰縣西南砥柱曰縣東南不瞭然在本志紀載乎
一指數東西間便不必煩言而解也其通攷蒙禹貢文謂
全有太行險固是概說之辭亦未得藉資謂砥柱之實在
陽城令後人不生希微疑竇也

漢地理志濩澤縣禹貢析城山在縣西南 隋志濩澤有

嶠嶠山濩澤山河北縣有砥柱山 唐志河北縣有砥柱

山有傳巖後周改大陽曰河北縣今解州平陸縣貞觀中太宗巡幸命魏徵

勒銘水經注砥柱亦名三門在大陽縣東引禹貢文於濩

澤下祇注析城而不及砥柱王屋 通典通考陽城縣有

嶠嶠山濩澤水析城山禹貢所謂砥柱析城也亦不指有

砥柱又通典曰陝州硤石縣有砥柱山

按自漢以來輿地志著是邑之山川者皆無砥柱名有之

自縣志始茲記注時机程不敢安有疑焉事考核因詳著

之

德清胡氏渭禹貢錐指曰陽城縣志云砥柱山在縣南五

十里若石柱然故名自此西南至析城三十里又西南至

王屋五十里余按禹貢之三山自砥柱而東為析城王屋

故傳曰東行而志所言乃反之知為土俗之謬因析城而

附會也

附載禹貢砥柱 東至于砥柱尚書大傳曰砥柱山名河

水分流包山而過山見水中若柱然在西號之界胡東樵曰西號

今河南府陝州蔡傳曰底柱石在大河中流其形如柱今陝州陝縣是也地理今釋曰底柱山在今河南南府陝州東四十里大河中西北去山西平陽府平陸縣五十里

底柱析城至于王屋注疏曰正義曰地理志云析城在河東濩澤縣西王屋在河東垣縣東北地理志不載底柱底柱在大陽關東析城之西從底柱至王屋在冀州南河之北東行也

行水金鑑曰言有似而非者為害最甚如經云太行恒山至于碣石說者謂碣石與二山竝舉則必高大相敵故以昌黎縣北之山為碣石而其實不然經云底柱析城至于王屋今底柱見在其能與析城王屋爭雄乎觀底柱則碣石可知矣不信海中之碣石而以昌黎縣北之山為碣石則亦將不信河中之底柱而以陽城縣南之山為底柱

底柱無異論而碣石多枝辭何也一在一也故也 又曰陽城縣在山西澤州西八十里近至縣南有底柱山而傳記無之與昌黎縣北之碣石正是一類

嶠嶠山縣西三十里下有濩澤縣故址水經江陽朶水東逕陽陵城南即陽阿縣之故城也漢高帝七年封卞訢為侯國澤水歷焦宋本作焦燒山東下與黑嶺水合水出西北黑嶺下即開澄也通典嶠嶠山在濩澤通考曰在陽城

莽山縣東南四十里謂漢光武追王莽至此俗稱王莽山又曰望濟山峯巒雄亘北顛曰北立門由此而下如入淵井行十餘里至麓有紅峪水轉而上如登梯磴又十里至嶺首曰南立門傍一峰壁立名繫馬椿有試劍山兩峭中剖紅峪水出焉沿河有香盤數百林巖深翠多猿猴攀緣又有

石人三盤等山田氏曰水經注沁水以西爲王屋山則此山卽王屋路史女媧又曰皇母注按太行一曰皇母山亦曰女媧山崔伯陽云一曰皇母云女媧於此煉石補天按今濟源有女媧山一曰女山古老言爲皇母山地界相接又疑此山皇母山太行之異名耳其中有蕭王遺跡光武追莽史無其事或久駐河內游獵及之

盤亭山縣西南八十里一名塔樓山羣峯卓立環障青蒼上有千峯寺後唐僧洪密居此

鐵盆嶂在盤亭山左極高峻懸崖滴溜石泉一泓仰承若盆孟白孕謙碑記云陽城西南多山最奇者盤亭山盤亭之尤奇則鐵盆嶂嶂純石骨一壁萬尋頂有微膚凝滑如脂僅數尺當佛座下有神漢出白石隙珠滴成泉下有凹石承之溘溘晶徹如盆然也

峪溝山縣東二十里蒼崖插沁曲礪穿林

小天壇山縣東二十里形類王屋一峰聳峙東瞰沁流白孕謙碑記云縣東二十里曰劉善村當沁水之隈北一峯最嶮桀視王屋具體而微舊有軒轅廟

可樂山縣東三十五里層巒曲磴上有瀑布二山腰石龕丈許瀑灑前如簾

香臺山縣東南二十里上有唐太宗廟

麻樓山縣南四十里有東西兩麻樓在桑林南三峯相距四五里不相連屬嶮峻可守避兵者多築砦其上

小寨山縣東南五十里沁水東繞有鳥道裁容步避兵者多居之有元武廟

孤山縣東南八十里環萬山中孤峰突兀旁有聚落爲阜軍口要衝

峰山縣南四十五里孤起高峻

方山縣東北三十里形若憑几爲邑右屏

史山縣東北三十里產鐵其西五里有金裹谷惟堆下有鐵鑛

千峰嶺縣西南四十里析城之西石壁懸崖下瞰清溪仄徑裁通

雲濛山縣西南八十里千峰寺南峭壁危巖林木叢翳有石龕

鐘鼓山縣西南百里接垣曲縣界

卧虎山縣西四十里山形嶮突上有萬松亭下有靈泉寺後

唐僧洪密奉敕建唐司空圖有記

靈通山縣西北五十里山半有風洞蓋風隧也有黑龍廟

畫山縣西北三十五里形如一畫望者謂長虹亘天劃然下

垂前爲營匠山爲邑之脉舊志云清淵水自表山而來疑

卽此

營匠山在畫山東迤南結縣治土人云秋多鷹亦名鷹架山

萬戶山縣西北五十里登顛見舊治及近村落

傅齊嶺縣西北七十里接沁水縣界

崦山縣北三十里方山之右環崖松柏隱映危樓上有白龍

神祠元旱禱雨於此前有龍湫

左崦山又左方山山之支也

小崦山縣東南二里形類崦山上有甘泉下臨沁河

白巖山縣北三十里有龍巖寺後園樹障前鉤柏帶在巖壑
間一石梁斜通望中不知其極更造方廣三十畝復倚大
巖壁立數十仞中空可以避兵窮巖頂望析城底柱樊蔡
諸山環列拱揖左崦山更左方山石梁東南彈碁石下有
美泉不盈尺而可灌圃昔楊貞肅公繼宗曾讀書其中寺
東一小龕白司空所知題曰白兔聽經處又一名龍巖山
九女臺縣東南四十里峙沁河中流濤響奔雷而屹然孤縵
上有九天仙女祠

望禾臺縣北五里崇岡之上峰特起登其頂百里之山皆
見爲邑之主山碑題曰雄邑靈脈

金襄谷縣東三十里谷中建海會寺松柏森蔚樓閣參差曲
水迴廊脩篁游鯉所謂海會龍湫也張金銘有種松銘獨
夜聽泉詩內有鳳尾竹清夜無風自響有金玉聲海會竹
風是也一名龍泉寺唐乾寧間碑記云東鄰郭社之陌前
據金谷之垠開元間石刻在其南村亦曰地屬金谷鄉
虎谷縣東三十五里屯城泊園外東山中有清溪溪盡有小
梁梁上懸崖有菌閣張慎言詩石室溪橋泊水東

北隱谷縣東長河北南有梵洞
南隱谷縣東長河南

隱谷縣東南六十里巖穴嵌空林莽翳鬱俯視其下危崖千
仞蓋高士遁跡之奧區也旁有梵洞

陶峪縣西四十里左卽陶峪河也兩山對峙前突高阜土人
謂石龍戲珠內建福勝寺寺側雙潭澄碧其一四周石厓
水由崖出如門其一似盆左右蹲石似獅

龍崖縣東南六十里崖半有石洞可梯而上中廣方丈燃炬
行里許有潭甚深淵

阜軍塚縣東南五十里在莽山之東

石門縣東南二里兩山中劃澤水中流白孕謙詩萬山奔一
城石門當水口

羊腸坂縣東六十里下有棲龍池

石塘洞縣東南四十五里陽阿水入沁之側洞懸山坳嵐氣
蒸潤滴瀝清甘石屋灣環雲沈霞鎖亦異境也

脩真洞縣西南五十里臨澗村洞深數里山形蜿蜒如龍頭
角鱗甲宛然岩水滴如簷溜立見堅凝久成冰筋石髓融
結多龍文雲氣之象中多白蝙蝠窮其奧風聲水聲琴竽
響答有石牀石枕石鐘磬等變幻不可名狀

黑龍洞縣南六十里西南深澗中林木環密有黑龍廟

蒸餅洞在麻樓山南石壁百餘丈梯繩而上中長二百餘步
昔人作板橋三十間今圯後有一泉可飲數百人

龍洞在析城山顛東巖有洞深不可測水流潺潺有聲相傳
中有龍在

隱洞白東谷居此其精舍記云予歸山中所居隱洞巖壑險
絕獨西峯有洞名梵延

精涼龕縣東二里厓顛有石室有風隧在鷲峯之北
白澗嶺在濩澤水西下有濩澤泉

郎家山

濩澤縣西北十里東南流至平頭莊入沁舊志謂出嶢嶠山
下瀦水一泓澄瑩不竭縣名濩澤州名澤以此水經注曰

沁水又南與濩澤水合水出澤城西白澗嶺下東逕濩澤
墨子曰舜鮫濩澤應劭曰澤在縣西北又東逕濩澤縣故
城南蓋以澤氏縣也省志云西白澗嶺下有濩澤泉東北
流合沁河泉西有濩澤靈源祠

按據此有二濩澤矣考之水經注謂陽泉水歷焦燒山東
下與黑嶺水合陽泉水又南注濩澤歷焦燒山而不言濩
澤直至又南而曰注濩澤則濩澤以白澗嶺下出者爲是
其嶠嶠山（山）出者前無所徵以同出于西山因槩名之爲
濩澤也 水經注墨子曰舜鮫濩澤世紀云堯求賢四岳
薦舜堯命之于順澤之陽史記五帝紀云舜耕歷山漁雷
澤陶河濱作什器於壽邱就時于負夏鄭康成釋歷山在
河東雷澤在濟陰負夏衛地蔡仲默曰雷首在蒲坂縣南

有水曰雷澤卽舜所漁之地是舜之所漁又有三墨子在
濩澤鄭謂濟陰蔡謂蒲坂曾子固辨鄭說歷山之非謂在
齊州者是以其合孟子東夷之人爲證且云歷山不應獨
在河東而不辨雷澤省志曰淮南子云鈞于河濱濩澤金
鑰謂澤州爲舜澤合之蔡說歷山雷澤皆在河東又大與
曾說反夫方輿名地已多互異本經傳者尚可據依而後
之援引者喜從而亂之然聖人遺跡隨在瞻懷亦不必多
爲分別也 濩澤城西三十里有澤城村漢置縣唐初改
澤州治尋移端氏 竹書紀年梁惠成王十九年晉取原
武濩澤

沁河源出沁源縣由沁水縣郭壁鎮入縣東北屯城里經潤
城沁渡迤邐而南濩澤水入焉西匯蘆河澤河桑林河又

東滙長河東南流逕午壁亭至公娥澗出山口即枋口也
建甌下注至覃懷會丹水入黃河按舊說悉載公娥澗下
源界也今俾胥往探河流為圖以覈之其下口處直東逕
鳳臺邊界一百五十二里至范家河始出山入濟源相去
彌遠豈水道古今或異分派別耶抑前考未確竟以盡陽城境當之耶今其詳別具沁水圖說

又南過陽阿縣東注曰沁水南徑陽阿縣故城西魏土地
記曰建興郡治陽阿縣郡西四十里有沁水南流沁水又

南與獲澤水合水出澤城西白澗嶺下東逕獲澤又曰沁
水又東南陽阿水左入焉又南五十餘里沿上下步逕裁

通小竹細筍被于山渚蒙籠拔宋本
作茂密竒宋本
作最為翳蒼也

沁河逕縣有澗城津沁渡津王村津南逕石門謂之沁
口水經云又南出山過沁水縣北省志曰按沁水出山
始過沁水縣北宜考 今考舊沁水縣即今懷慶濟源縣

也秦為軹縣晉省軹縣入沁水縣屬河內郡北齊廢沁水
復軹縣至隋時始名濟源水經云又南出山過沁水縣北

指今濟源縣境也軹縣舊城今濟源縣南十三里沁水舊
城在今濟源縣東北沁水南沁臺西漢置今呼為王寨城

澤河縣南郭外源出西北析城山之支東南流會衆水入于
沁舊志謂自表山而來入於澤水逕城南折而東由石門

下入沁水經注云其水際城東注又東合清淵水又東得

陽泉水口又東南上澗水注之水導源西北輔山東逕銅

于崖南歷析城山北自山陰東入獲澤水獲澤水又東南注

于沁水 今陽城表山輔山皆不載要屬析城之支山也

省志謂墨子言舜漁於此澤今在陽城十二里郡國志言
邑西今有地名舜田

西河源出縣西北三十里畫山逕縣西南上王曲李邱遶縣西南流入於澤河水經注曰澤水際城東注又東合清淵水水出其縣北東南逕澤城東又南入于澤水西河即清淵水也

蘆河源出沁水縣鹿臺山樓子坡逕縣西北芹池劉村蒿谷美泉孔寨下入於沁水經注曰陽泉水出鹿臺山上有水淵而不流其水東逕陽陵城南歷嶠嶢山東下與黑嶺水合出西北黑嶺下即開墜也其水東南流逕北卿亭下又東南逕陽陵城東南注陽泉水又南注獲澤水蓋蘆河即古之陽泉水也省志謂陽泉水古入澤水今直入沁

長河發源鳳臺縣北大陽鎮經縣境入沁河

桑林河縣南四十里一名大河源出麻樓諸山歷西冶合龍洞川水東北入沁地多桑名曰桑林相傳成湯禱雨於桑林即此今湯廟前瀦水澄泓不竭遇旱禱此多應

盤亭河縣西南八十里源出析城山下會諸澗水注於西南兩岸田可資灌溉遶王屋山陰迅流而下瀑布垂簾懸河注壑南下濟源境

青蘿河縣東南九十里源出底柱山之西漣漪澄潔綠谿環轉由王屋山下入濟源界唐岑參讀書處有思青蘿舊齋詩

棲龍潭縣東六十里即陽阿川水也水自章訓里逕境內數十里至此兩山夾束一綫裁通石磴懸崖建瓴瀑注流入沁河水經注曰沁水又東南陽阿水左入焉水北出陽阿

川南流逕建興郡而其水又東南流逕午壁亭東而南入
山沘波漱石湍澗八丈環濤轂轉西南流入於沁水白孕
謙碑記曰潭當谿谷衆流穿射之衝泓然深窈莫測底極
或值暑雨秋濤蕩瀉凌嘯及夫抵寒收潦湛然一碧若巨
螺盛醴醪萬斛沿岸石凝滑如脂履之頭涔欲墜習傳其
中爲神龍之宮潭以此名四外山雄立矗起稍南平岡若
畫置名曰龜山土人建龍神祠上有羊腸坂

沈水源本王屋山太乙池禹貢導沈水東流爲濟山海經北
次太行又北百里曰王屋之山是多石瀨水出焉而西北
流注于泰澤郭璞云地理志王屋山沈水所出瀨音輦沈音堯
聲相近殆一水耳沈卽濟也孔氏安國曰泉源爲沈流去
爲濟省志云沈水在濟源西東北流注於泰澤爲濟西源

瀨水在濟源東北南流與西源合爲濟東源水經注濟水
重源出温城西北平地水有二源是也

百眼泉縣東二十里沁水之濱有泉百眼沸騰湧出匯流于
沁

玉泉有二甃石爲池皆甘冽一在東關青陽坊北元丞相脫
脫子主簿禿必歹建清風亭一在西關同園北土人名西
大泉白司寇孕謙名曰湛泉

龍泉王國光曰海會亦名龍泉前有金谷文翔鳳詩險乃在
濩澤之西芹池之東巖壁或懸六七寺澗石頻推兩三松
羊腸盤處天如帶豕腹脹時水似弓王惲龍泉寺詩萬松
亭廢久重拂短碑看詩注碑大定間澤州刺史楊庭秀撰
靈泉司空圖靈泉禪院記中條發于蒲企於良傑出而爲太

行則天壇不得不冠冕嵩華爭勃日觀也其北川壑會流盤鬱濃粹自高平西顧以至靈泉極矣泉之爲靈非惟利物當以滋潤所及不膏毒螫也

師婆泉在澤河中流相傳與析城山通每析城積雨之後近山村民多聞水響而不見其形數日後泉水暴發發則澤河爲漲

煖泉在東關崖下濱澤河王國光詩泉煖猶聞野苻香

陵川縣

錦屏山縣南二十里山多芍藥翠障如屏宋元豐年間都君錫樓此邑令呂由庚偕名流高子美谷漢臣入山訪之爲芍藥會

東海神山縣東十一里

菊嶽山縣東南五里高二里許多產菊有捍水口一名漳門

山上有龍王祠

棲鳳山縣西南四里其東有泉繞山麓百餘步而伏上有感應亭

箕子山縣東二十里高五里許西南山麓石上有巨人足跡傳云箕子避地來山中武王訪以治道於此納履焉

流泉山縣東四十里

風門山縣東六十里山形如門連板山

板山縣東五十里山方而峭接熊耳山

熊耳山縣東北四十里兩峯峭立狀如熊耳水流其間月自峽中吐出下有空翠亭

花瓶山縣東五十里高五里盤踞七里

馬武山縣東五十里周百里四山峭壁有漢馬武砦俗呼馬武京砦山陰多積雪不消棘無倒刺蛙不鳴土人傳漢光武遺蹟

黃圍山縣東南五十里孤峯插天陟頂見黃河山半有洞
嵩山縣東三十里

佛子山縣東四十里爲太行絕頂東南望黃河二百里徐河詩左齊右晉如羅宿北岳南嵩似點苔上有靈雲寺

孤圍山縣東七十里高十里四面山圍絕壁周遭宛若石城中突湧一峯翠入天際惟飛鳥可至其上水瑩巒映互相噴薄非畫手所能摹一名孤峰山下有平田水

天柱山縣東八十里下爲輝縣箔壁鎮
六泉山縣東北十里上有六泉自山半洞中出山接熊耳

龍門山縣西一里兩山橫亘中缺似門

魯山縣西十五里上有松峯蔚鬱

靈泉山縣西南十里山有靈泉

馬鞍山縣西南四十里

古賢山縣西南七十里隋僧曇如居此

鳳凰山縣西南七十里形似鳳接高都河至鳳臺縣五十里
秦嶺縣西北三十里

寶應山縣西北四十里接長治縣界西火嶺秦嶺之北峯也
時有雲栖其上
一名卧雲山岩半有寺甘泉古洞幽闐遼迥相傳昔一僧創寺屋材悉取自洞中寺成僧退入洞擁大石自閉焉

黃沙山縣北十里北接蒲水一名天一山又名太乙山爲邑

之主山

聖宮山縣北二十里接壺關縣西南界有蒲水合流丹河
黃華山在陵川壺關間明宋濂題王黃華詩藁後有黃華山
主王庭筠也

狀元峯在東川雙峯峭立如青萍吉祥院碑宋崔有孚年十
五鄉貢第一二十五廷對第一蘇村墓表金源時武明甫
貞元中及第明甫猶子武天祐承安五年及第天祐弟天
和太和中及第仕林莊墓表趙安時正隆間及第官至中
順大夫安時弟安榮亦第一又晉寧路李俊民亦金源末
年及第曾避兵邑之嵩山邑令因建七狀元祠於東川武
氏尚有子外趙崔墳墓僅存李俊民高節不應召元賜號
莊靖先生

含珠砦山在縣東河南輝縣界

王莽嶺縣東百二十里輝縣界

九仙臺縣西南六十里石臺突起高數十丈相傳有仙跡下
有清源泉

黃園洞縣東南五十里黃園山洞中有山有谷有風門雲門
神井靈湫有浮圖石乳滴成者昔人秉炬深入四五里遇
黃河一朽木不敢越而出洞口一峯中空如門相傳達紫
團翠微洞云

一斗水縣東九十里山石上斗許水不滿不竭

平田水縣東南九十里源出孤峯山下流注河南輝縣入於
衛河地多松柏居人作香磨資生

瀑布泉縣東南一百里懸崖輕濺漾如飛烟驟視之不知其

為水也一名鯉池

浙水縣東北四十里東流逕壺關縣界又東南入縣境又東入河南林縣注於滎陽

生于此

雙泉縣西南四十里二井相去不數步一甘一苦

義井縣西二十里味甘居人取汲以烹

清涼泉縣西南六十里元好問曰陵川峙太行之顛天壤間清涼境也

六泉在縣東北六泉山半

蒲水縣北二十里發源聖宮山西流南下入長平丹河東接壺關馬鞍山

甘泉出寶應山味極甘

落雁池元郝經故第側擬汴金明池也郝文忠元元國信使使宋宋留之北還之歲汴人射雁金明池得帛書云霜落風高恣所如歸期回首是春初上林天子援弓繳窮海纍臣有帛書中統十五年九月一日放雁獲者勿殺國信大使郝經書於真州忠勇軍營新館是時南北隔絕不知中統之久改至元也又儀真館中詩持節江頭久食魚館人供雁意踟躕呼兒細看雲間足恐有中原問訊書

沁水縣

石樓山縣南二里自烏嶺南延八九十里為石樓御屏兩山山脈悉會于縣治其間界以杏水峻嶒崒嶺形似樓臺山半舊有石樓後廢因建石樓寺下有濯纓泉入杏谷水何

景明石樓賦沿清溪跨絕澗控天梯鉤石棧羅羣山于膝
下挺層臺於天半彭浦六柳莊記沁之南一里許有山曰
石樓林巒峭壁川原與衍其畔有田有泉

鹿臺山縣南二十五里巖岫高寒雖夏月猶有積雪水經注
陽泉水出鹿臺山山上有水淵而不流其水東逕陽陵城
南山有文石岡雙蟾嶺顛上時聞仙樂聲東接夫妻嶺東
北連石樓山皆約二十里許舊志引山海經語按郭景純
傳云鹿臺山在今上郡似非此山

小堯嶺連鹿臺山

夫妻嶺縣東十五里由鹿臺正東三十餘里相傳夫妻挽車
至此力竭而斃張昌詩夫妻推車上長坂化爲兩鳥常相
偶省志載北魏楊擲授建州刺史鎮車箱侯景趨齊子嶺

畏擲來禦斫木斷路六十里而遁是嶺東連仙翁山嶺上
高峯爲尖山山東數十里爲紫沙門

拾崇四嶺縣東十五里連將軍腰小堯嶺

馬邑山縣東二十里通考沁水有鹿臺山馬邑城今名馬圈
清相傳白起牧馬處

車輞山縣東三十里一名偃月山上有車輞寺又十五里爲
西城村卽古端氏稍東爲河頭則小河與沁河交會處
峯岳山縣東四十里有峯岳寺山在沁河東

三皇嶺縣東五十里嶺西北爲孔壁東南數里爲鄭庄

紫金山縣東五十五里其東爲郎壁又東北十五里爲王壁
又二十里爲大匠村

仙翁山縣東六十里東十五里連榼山高壓羣岫由仙翁而

澤州府志 卷之六
東南三峯倏峙爲三纏凹

三纏凹縣東七十里在仙翁山東明崇禎六年流賊寇陽城北張道濬設伏于三纏凹賊至擊之斬其魁生擒賊首滿天星等遂大奔

熊耳山縣東六十里由佛廟嶺而東兩山高峙其東一山有

白雲寺東北十餘里有金山

佛廟嶺縣東六十里有佛廟

林村嶺縣東六十里

鳳凰山二一在縣東七十里連大尖山高峯迤東連岳陽浮山界相傳秦始皇鑿斷其頭處二十餘步一在縣東北十五里有李司徒墓

孤山縣東八十里一名筆山邑人常評事倫十五歲著筆山

賦

榼山縣東九十里接卧牛山闌干嶺稍下而榼山突出坪上清泉飛閣松柏參霄上有白雲寺寺踞層峯憑虛有天外樓俯瞰塵寰渺然身世殿前白松三左二圍一丈五尺右差小高數丈膚理瑩滑如雪山中萬松皆然此特其巨者山半有松泉又有泉自石中出悉甘冽異常明張五典三松說曰密縣白松彼一此三今存二中有三老堂邑人張鎗有榼山志

金山縣東九十里古端氏城西南下有金峯村又東十餘里有洞兒菴

卧牛山縣東百里一名大嶺橫亘十餘里豐隆隱厚狀若牛眠上有西子梳粧臺東北爲闌干嶺又東下陡起一峯曰

散石臺突兀玲瓏可出入上下

文筆峯在卧牛山正東若斷若續一名華蓋又東數里三峯並列竇莊在其下

崑山縣東百里有崑山寺羣山綿延一名隗山唐志端氏有隗山勢甚峻顛有浮圖下有五龍祠西下數里濱於沁河端氏鎮在焉即古端氏城蓋崑山與榼山東西相望翠巘爭竒沁水流繞其中二十餘里間居民甚稠

西岳神山縣東百一十里山麓有賈封鎮在賈封者為西岳神又為小岳神在湘峪者為東岳神

東岳神山一名洞陽山縣東一百二十里接鳳臺界高十里許東北連老馬嶺山麓為湘峪村明張慎言題石曰肫岳上有六岳神廟

樊山縣東百二十五里山前有老姥菴山後即可樂山陳廷敬老姥掌遊記上黨南三百里有山曰方山又南十五里曰洞陽山又南十五里曰樊山三山高出地上皆直下萬仞由樊山則枝分條披為峯壑為礪為嶠為巘為巒為岫為巖其又南則砥柱析城岩壁重複如樓堞如墉隄如珞如環繚絡數百里其中長川夾岸若斷若連陟樊山之顛皆見焉樊溪東浹在山之南有曰老姥掌數十里之內聯嵐亘輝俯可搏擷如置諸掌老姥掌接鳳臺陽城界吳山縣東百四十里山半有賈寨迤東北為蟠龍嶺上有馬跑泉西南接崑山自吳山西南三十里為司家山屬鳳臺稍南為北落村屬沁水其上為岳神山又東南有老母掌在鳳陽之交

空倉嶺縣東百五十里高平界所傳白起詭運米置倉以紿趙括者自此而西北有固縣中有下梁南有玉溪

老馬嶺縣東百五十里連高平界商旅通塗山巖窵僻上設防兵北五十里連秋峪嶺

鵬黃嶺縣東百六十里接長子界于寶搜神記崔府君爲長子令鵬黃嶺有虎食人府君移牒捕之而虎自來伏罪卽此

秋峪嶺縣東百七十里接高平長子界北三十里接字峻山御屏山縣西南二里形似屏連石樓山中間杏水

玉嶺縣西五里迤西袤三十里自東烏嶺東南而下起伏蜿蜒至此突拔雄峯俯視羣岫邑之主山也有澗曰龍池烽燧嶺縣西二十里明初駐師於此

天子嶺縣西三十里保義村東南相傳漢光武討銅馬賊經此一名漢嶺

阜山縣西四十里隋書名輔山按水經注曰澤水又東南又有上澗水注之水導源西北輔山東逕銅于崖南歷析城山北是輔山應在陽城境又云邗水出太行之阜山則五行之異名也高誘云五行今太行在河內野王縣西北上黨關

歷山縣西五十里有舜廟廟側有滹沱二泉北有大洪池小洪池西北有陶壑谷幽榛密居民尠少按歷山據曾南豐辨在齊州州舊有歷城蔡仲默謂在雷首山有九名其一曰歷山以其有滹沱水也陽城獲澤又謂舜漁舜田皆在彼茲沁水有歷山及滹沱陶壑是聖跡所在多有亦莫能

名其是否也山海經中次五經內又東十里曰歷山近洛不數十里許於河洛間又有歷山焉

丹坪山縣西六十五里白華村有下疊中疊上疊上疊有泉顛有平地三十畝山下爲丹壑岳將軍飛七砦之一忠義社砦子凡七處

東烏嶺縣西北四十里與西烏嶺兩山對峙西烏嶺爲翼城縣地南連關子門杏水源地志名黑嶺避宇文諱易今名縣志穆天子傳西絕鉞陞卽此二山省志謂山西郡縣志多書鉞陞胥涉傳會

碧峰山縣北三里高四里許東連鳳皇山車轎山至河頭村下有沁河西連清風嶺東烏嶺山形峭拔林木蒼翠有靈泉深尺許禱禳輒應建五龍祠東崖有榭樹鼓掌應聲名

驚雞樹

大尖山縣東北二十里東數里一岡橫亘北跨岳陽浮山二縣袤五十餘里名橫嶺又東四十里抵大匠村爲沁河之涘矣

三尖山縣東北三十里三峯竝峙

黃龍山縣東北六十里上有黃龍書屋舊州志

宇峻山縣東北百里接長子界古名巨峻山金志端氏有巨峻山石門山北三十里連鵬黃嶺南七十里連佛廟嶺

龍岡縣東二里自北碧峯山來又十五里爲鳳皇山馬邑李壁皆在山足

鳳原岡縣西半里高二里連玉嶺高峯由玉嶺下平岡袤衍一名平原兩水環抱縣治居其下

杏谷縣西三十里谷多杏當花時彌山翳壑爛熳嬌紅
關子門縣西翼城東南十餘里連拾崇凹嶺
黃士洞在歷山西內有丹竈石牀

南陽仙洞縣西五十里南陽村南山洞名仙人碣洞口上關
虛牖石蓮倒垂少進石雲層湧色蒼白又百武洞高至五
六丈廣半之有石龍石象等又一里有石鼓石鐘擊之聲
聞洞外後有竇時有風濤聲洞壁多弘治間人題

子沙腰縣東南八十里連方山南十五里連眼子腰陽城界
下有沁河

洪谷唐洪谷子荆浩字浩然隱太行洪谷工丹青尤長山水
為唐季之冠所謂荆關董巨也

石門山

石幢山縣西南四十里林莽翳鬱路通中村張馬諸鎮

雲臺山縣西四十里上二山續脩縣志補

沁河縣東五十里源出沁源縣綿山經岳陽縣東大匠村入

縣界西南流逕紫金車軻諸山五十餘里至鄭莊村合梅

河又東南五十里至端氏鎮又南流三十餘里至武安鎮

入陽城界自此西南流百五十里至河南濟源縣境折而

東逕河內武陟入黃河沁水從太行南下由枋口而東會

堯王泉水又東丹水注之金地理志濟源縣有太行山以

沁水為界西為王屋東為太行水經曰沁水出上黨沮縣

謁戾山沮當作涅即今武鄉酈善長注云沁水即洎水或

言出穀遠縣源即沁羊頭山世靡谷三源竒注逕瀉一隍又

南會三水歷洛出左右近谿參差翼注之也沁水又南歷

猗氏關又南與羈羈水合水出東北巨峻御覽山乘高瀉作駿浪觸石流響世人因聲以納稱西南流注于沁沁水又南與秦川水合水出巨峻山東帶引衆谿積以成川又西南逕端氏故城東南流入于沁水又云沁水南逕石門謂之沁口石門是晉司馬孚所造謂被明詔修河內水利檢行沁水源出銅鞮山屈曲周遭水道九百里自太行以西王屋以東層岩高峻天時霖雨衆谷走水小口漂迸木門朽敗稻田汎濫歲功不成於是夾岸累石門舊有枋口之稱矣又云春秋之少水也少水今沁水也 山海經曰沁水出井陘山東東南注河入懷東南郭傳懷縣屬河內北有井陘山沁河在懷慶府城北二里河自出山南下有曲堤渡鄭莊渡武安渡

梅河縣西北三十五里源出東烏嶺東澗東流三十里與梅谷溝水合名梅水又東流至縣東南合杏水至河頭五十里入沁河

杏河縣西三十里源出東烏嶺南澗南流二十餘里與杏谷溝水合名杏水東流接南溝常峪諸溝水折而東十餘里與梅水合沁水合何陳宮立橋以濟民甚德之

海子河源出縣東百七十里秋峪嶺下西南流至端氏入沁河又東西倪村溪水注之有石潭名響淵

玉溪河源出縣東百五十里空倉嶺下西北流五十里至金峰東與海子河合

蘆河縣南二十五里源出鹿臺山經蘆子坡而東故名至張村合峰村水逕陽城東十八里入沁河

可陶溪在歷山西北傳為舜作陶器處

慈泉在樊山顛陳相國廷敬慈泉銘序樊山之陽高千仞未至顛百步有泉在山徑沙石間味甘冽異他水百鶴肝在其東故名慈泉

靈泉在筆峰山五龍祠內尺許水旱澇常盈少污輒濁虔禱即應相傳飲之却疾唐李端金李廣明陳清皆有詩

海龍池縣西二十里一名龍潭雖小而禱雨多應有龍王祠馬跑泉在漢封村內石崖上相傳蕭王馬跑地得泉

沃泉縣西四十里源出石幢山東壑經上下沃村東納杏子溝水再東納鴉兒河水又納大興河水東南合澗河入陽城董峰界為澤河之上流

澗河縣西南五十里土人掘地得箭頭如鏃一名鏃河舊名

清澗水以發源清澗潭也水由白華之南迤東合沃泉水

入陽城境再東合板橋水入澤河按清澗水水經注云澤水水出其縣北

是指獲澤縣也

劉曲河縣東六十里發源王壁西里經樊村玉村諸處入浮

山之潭村北合榆社清水東流數十里復入沁境劉曲村其水鑿山而下激為三潭上為雨潭中為雷潭下為風潭

至王壁村入沁河

林村河縣東八十里水出熊耳山

潘河縣東百三十里道仁西山所出至潘莊入沁河

小河縣東一百四十里由道仁里入鳳臺之常店西流接湘

峪水入沁

清澗潭縣西南五十里白華村南一名七仙潭巖豁若龕後

爲洞口石如龍鱗入者足躡鱗上半里許便水深不可入
矣自沃泉以下七水皆續脩縣志所補

義井縣西二十里義井村地少水一井味甘百里人以次而
汲

濯纓泉

許太守日熾補志

鳳臺陽阿水水經注沁水又東南陽阿水左入焉水北出陽
阿川南流逕建興郡又東南流逕午壁亭而南入山沿波
漱石澗澗入丈環濤轂轉西南流入於沁此今之長河自
石淙以下爲陽城界歷石堂棲龍潭卽入沁也

沁水自陽城九女臺以下入鳳臺界水經注云又南五十餘
里沿上下步徑裁通小竹細筍被於山渚蒙籠拔密竒爲

翳蒼地

陽城清淵水水經注云澤水又東合清淵水水出其縣北南
逕縣故城東又南入於澤按今臺底村北清池村有池水
當因唐諱改淵爲池其地在故濩澤城東北其水入澤水
皆與此合鹿臺山當卽今岱岳觀山也側近有南臺北臺
山見李莊靖碑記

陽城田氏嘉穀補志

鳳臺司馬山上有魏司馬碑故名又初學記晉代祠此山因
以爲名

倍澗水沁水又東倍澗水注之水北出五行之山南流注
于沁水

陽城濩澤水經注云沁水又南與濩澤水合水出澤城西白

澗嶺下東逕濩澤墨子曰舜鮫濩澤應劭曰澤在縣西北又東逕濩澤故城南蓋以澤氏縣也其水際城東注

清淵水水經注云澤水又東合清淵水水出其縣北南經縣故城東又南入于澤水

陽泉水水經注云澤水又東得陽泉水水口出鹿臺山山上有水淵而不流其水逕陽陵城南即陽阿縣之故城也

按今臺底村有清池村其水入澤當因唐諱改淵爲池其地岱嶽觀山亦名臺山當即鹿臺山也又蘆河自沁水入縣境所歷有陽泉村故今志以爲陽泉水即蘆水但蘆河自沁上流沁渡津已先入沁不入澤也又蘆河土名蘆葦河

黑嶺水水經注云澤水歷焦燒山東下與黑嶺水合水出西北黑嶺下即開蹬也其水東南流逕北鄉亭下又東南逕陽陵城東南注陽泉水

上澗水水經注云濩澤水東南又有上澗水注之水導源西北輔山東逕銅于崖南歷析城山北即禹貢所謂析城也其水自山陰東入濩澤水濩澤水又東南注于沁水沁水又東南陽阿水左入焉

澤河土名大河其源發於沁水縣南流入縣境合濩澤諸水東入于沁

渙水在濟源縣其源有三一出珠山俗呼爲白澗水一出縣西曲陽城西南山一出陽城南溪俱東南流與灋水合王屋山金地理志陽城有王屋山水經注晉司馬孚表沁水水道九百里自太行以東王屋以西層巖高峻天時霖

澤州府志 卷之六
兩衆谷走水德清胡渭禹貢錐指曰按金地理志云濟源縣北有太行山以沁水爲界西爲王屋東爲太行則沁西縣界之山卽王屋矣禹貢名山必綿亘百數十里故謂山在縣境也特天壇一峯今屬河南濟源之境耳今側近有十方院其地爲縣境又云王母洞亦縣所屬天壇山背尚爲縣境但深山之中其地界未能確定又志所載元好問詩元集自注云近有人得司馬先生石穴所藏丹經予獲觀於山陽其詩凡十三首

望濟山今呼王莽山謂光武追莽駐兵於此史無其事本不足據志避其名改之耳今按水經注沁水以西爲王屋山則山卽王屋也路史女媧又曰皇母注按太行一曰皇母山亦曰女媧山崔伯陽云一曰皇母云女媧於此煉石

補天按今濟源縣有女媧山一曰母山古老言爲皇母山地界相接又疑此山皇母山太行之異名耳王屋皇母皆以音相似而易訛而皇母尤爲近之其中有蕭王遺跡殆光武久駐河內行兵遊獵或及此山也

金巖谷其山在縣東三十里龍泉寺在其北寺有唐乾寧間碑記云東鄰郭社之陌前據金谷之垠又有開元間石刻在其鄰村亦曰地屬金谷鄉則金谷之名舊矣

管匠山在縣北二十里畫山之東迤邐而南以結縣治土人云秋月多有鷹集其上故曰鷹架山亦以音相近而訛耳

望禾臺在縣西北五里崇岡之上峯特起登其顛百里之山一覽而見爲邑之主山雄偉傑立有碑題曰雄邑靈

脈

師婆泉在澤河中流相傳與析城山相通每析城積雨之後近山村民多聞水響而不見其形數日之後泉水暴發發則澤河爲漲甚大比年泉水大盛士子多登科者邑人每以爲占驗

爰泉在東關崖下澤河之濱明縣丞李蒙爰泉望城子崖詩靈山東畔碧湍回社鼓秋高發縣隈萬樹涼風吹不盡一鞭斜日爰泉來今堙塞矣

陵川白陘在輝縣與陵川接界按陵川縣東百二十里王莽嶺與輝縣接界

沁水巨峻山隋地理志端氏有巨峻山秦川水水經注羸羸水出巨峻山

輔山隋地理志沁水有輔山又水經注上澗導源西北輔山

馬邑山金地理志沁水有馬邑山

羸羸水水經注云水出巨峻山乘高瀉浪觸石流響世人因聲以納稱西南流注于沁

秦川水水經注云水出巨峻山下帶引衆溪積以成川又西南逕端氏縣故城東

玉溪在端氏元好問有詩

六卷終

山又水雖武土間

澤州府志卷之七

關隘

吳起對魏武侯曰夏桀之國左天門之陰右天谿之陽盧
畢在其北伊洛出其南有此險也然為政不善而湯伐之
是在德不在險也夫王公設險以守其國古聖人曾不廢
重門關隘控扼固不可以不講也况中原之防澤有其半
可弗謹歟為之志關隘其津梁驛堠附并焉

鳳臺縣

天井關城正南四十五里太行絕頂戰國策曰桀之居左天
門之陰右天谿之陽伊闕在其南羊腸在其北地理志曰
上黨高都有天井關即天門也路史曰履癸始遷於上黨
之垂羅莘注所謂天門在澤之晉城太行之上有天門通

典云晉城有天井關在縣南太行山上關前有天井泉三所漢建武二年遣司空王梁北守天井關擊赤眉漢馮異攻天井關拔上黨兩城宗正劉延攻天井關上黨太守田邑拒之唐節鎮劉稹叛河陽節度使王茂元遣將當天井關為積將薛茂卿所破執四將火十七柵張巨進攻萬善茂元欲走會日暮自潰去詔王宰以本軍入懷澤茂卿既畏陳許兵又失望乃與宰通十一月偽挑戰亟此委天井關而去宰遂焚大小箕村茂卿奔澤州使謀言於宰曰澤可取吾應于內宰疑不進楨聞其貳召殺之會昌三年十一月王宰進攻澤州與劉公直戰不利公直乘勝復天井關宰進擊大破之遂圍陵川克之後降將高文端詣乾河立寨其將斬劉稹首降澤遂平天復元年梁氏叔琮攻晉出天井關昭義節度使孟遷降金宗翰趨汴使婁室等自平陽先趨河南撒刺荅破天井關又被步兵於孔子廟遂降河陽元正大四年木華黎攻天井關人民逃匿山澤杜牧上李司徒澤潞用兵書曰河陽西北去天井關強一百里關隘多山井不可鑿按今天井惟關南有智井天成深不可測而無水有天井溪北流合白水名北流泉亦非井所云井不可鑿信然而通典云關前有天井泉三所未詳濟源縣北有天井泉昌黎詩云是時新晴天井溢飛雨白日灑洛陽此天井與關前之說過遠存攷

星軹驛城南六十里距關南十五里即攔車鎮又名狼車

金志晉城鎮二周村巴公舊又置星軹鎮曰攔車以北十

五里有孔子回車廟 雍正五年設把總一員澤州府同知駐劄

橫望隘城南八十里太行絕頂謂之大口即狄梁公望雲處因名南距碗子城十里明洪武二年置巡檢司 戰國策曰北塹太行之道則上黨之兵不下又曰左右孟門羊腸在其南盧罕在其北正義曰羊腸太行坂道名南屬懷州北屬澤州元和志太行陁在懷州北闊三步長四十里今自碗子城南長平鋪至新店自星軺驛北至河底皆所謂羊腸坂 唐會昌三年八月劉稹使牙將薛茂卿自太行南下拔河陽科斗塞距懷州十里九月李德裕請以王宰兼河陽節度行營招討使謂割河南五縣租賦隸河陽不若遂以五縣隸孟州其懷州別置刺史俟昭義平日仍割澤

州隸河陽則太行之險不獨在昭義而河陽遂為重鎮東都無復憂矣 明初晉豫分境碗子城隸河南橫望鎮隸澤州而小口亦半隸河內亦即德裕割澤州隸河陽之意按今碗子城即為澤州界南下四十里為清化鎮屬河內境半有山險為犬牙相錯之地晉豫兩省門戶全恃太行天險正義云秦攻南陽則韓之太行道絕國策云北塹太行則上黨之兵不下往古胥於是乎論戰守天下西南之大勢此有其半也

磨盤砦縣南六十里一名孟良砦有小城如碗子

將軍砦宋岳武穆飛為張所部將命從王彥渡河擊金人至新鄉金兵盛彥畏不敢進飛獨引所部鏖戰奪其纛而舞遂克復新鄉食盡乞糧于王彥彥不與飛引兵益北戰於

太行山擒金將拓拔耶烏數日復遇敵飛單騎持丈八鐵鎗刺殺黑風大王又大敗金人於沁水時太行忠義社梁興等百餘人慕飛義率衆來歸飛遣興招結兩河豪傑山砦韋銓等期日興兵會王師進討揭旗皆以岳爲號父老百姓爭挽車牛以餽義軍自燕以南金號令不行屢戰屢捷中原響應咸築砦以待飛至

碗子城縣南九十里太行絕頂羣山迴匝道路險仄中建小城若鐵甕唐初築此以控懷澤之衝其城甚小故名又以其山嶮峻形如碗然云碗子城山羊腸所經百折中有平地僅畝許宋太祖親征李筠山多石不可行太祖先於馬上負數石羣臣六軍皆負之即日平爲大道卽此 元至正十八年曹濮賊王士誠等上太行陷晉寧路平章察罕帖木兒敗之分兵屯澤州寒碗子城破其關澤州守將賀宗哲遁王世貞馮勝傳云勝從大將軍徐達下山西從武陟取懷慶踰太行克碗子城取澤州遂取潞州正統間寧山衛指揮胡剛鑿石平險車騎差可通

小口在碗子城西由西梁別徑入山至星軺驛南十三里會大道隋大業三年帝幸榆林郡還至太原上太行山欲過御史大夫張衡宅乃開直道九十里達河內以抵其宅卽今小口悅其山泉留宴三日是也

柳樹隘城東南八十里路通河內縣清化鎮明置巡檢司

柳樹店由鐵鰲山西十八盤至柳樹店又東北至陵川奪火店丹河逕石人山北折南行從此出山衆泉滙合下河內處水經注所謂南爲河內北曰上黨二郡以之分境晉

書地道記曰縣有太行關丹谿為關之東谷途此去不復由關矣北魏永安三年爾朱世隆等自河橋退走詔行臺源子恭鎮太行丹谷築壘防之既而爾朱兆率衆南下子恭所部開柵降兆因得入洛明崇禎五年流賊紫金梁老狃狃等在河北脩武為官兵追勦遂踰太行自柳樹口至陵川南馬附城蔓延長治壺關等處焚殺甚慘馬牢關縣南二十里即馬牢川梁遣李讜攻李罕之於澤州晉遣李存孝以騎兵五千救之梁驍將鄧季筠出戰存孝舞稍擒之李讜敗走追擊至馬牢關還攻潞州

武斬關地形志陽阿有武斬關

護子谷縣南二十里宋太祖遣石守信破李筠於此

漢高城縣東南一百里酈食其勸漢高祖杜太行之險屯田

於此

巴公原縣北三十里後周顯德元年正月世宗即位北漢主劉晏乞兵於遼遼遣政事令楊衮將萬騎及諸部兵五六萬人來會晉陽晏自將兵三萬以白從暉張元徽從南出圍栢周昭義節度使李筠遣牙將逆戰於太平驛元徽斬昭義將穆令均筠遁歸三月逼潞州引而南世宗曰劉晏少我謂我新立而國有大喪必不能出兵且善用兵者出其不意吾當自擊之馮道等諫怒卒自將兵癸巳前鋒與晏兵遇於高平南之高原晏兵少却諸軍亟進晏以中軍陳於巴公原張元徽居東偏楊衮居西偏周師亦列為三陣李重進白重贊將左樊愛能何徽將右向訓史彥超居中張永德以禁兵衛世宗介馬自督戰衮望周師曰勅敵

也未可輕動。旻奮髯曰：時不可失，請公勿言。袞怒而去。時東北風方盛，俄而遽轉南風。旻將王延嗣使司天監李義云：時可戰矣。旻號令東偏先進，王得中叩馬諫曰：義可斬也。南風勢急，非北軍之利。宜少待。旻怒，卽麾元徽戰。元徽擊右軍兵，始交，周樊愛能何徽引騎兵先遁。右軍潰，步卒數千人棄甲降。旻元徽呼萬歲，聲振川谷。周兵大駭。世宗赫怒，躡馬入陣，引五千人直衝旻之牙帳。旻方張樂飲酒，示閒暇。及周兵奄至，驚惶失次。世宗親犯矢石，督戰士悉奮勇爭先。旻趣元徽進兵，會元徽馬躓，被殺。北軍氣奪。旻麾赤幟收軍，軍驟退不能止，互相蹂躪，遂大敗。日暮收餘兵萬人，阻澗而守。是時劉詞將周後軍繼至，復乘勝擊之。延嗣戰死，輜重乘輿悉爲周獲。旻自高平被褐戴笠，率百餘騎由鵬窠嶺間道遁。夜失道，山谷間得村民爲導，誤趣晉州行百餘里，乃覺。遂殺導者，晝夜兼行。所至得食未舉，箸或傳周兵至，輒倉皇而走。旻衰老力憊，伏馬上馳驟，殆不能支，僅得循他道歸太原。丁酉，周還攻潞州，己亥，誅樊愛能、何徽。

天池嶺縣東三十里

周村鎮縣西四十里

韓營縣北三十里，水北村金末屯鄉兵於此，元廢爲樂真觀。

巴公原北接高平，周村鎮西接陽城，黨莊東接陵川。

河底南接天井關。

盤石長城縣南八十里，南至大口一里，至碗子城五里。明嘉

靖二十二年秋，巡撫河南御史秦中李宗樞建此界，因流

賊橫逸河南借地脩城以控扼要衝

孟良寨北至碗子城一里南至河南河內縣長平鎮十五里

碗子城北至大口五里南至孟良寨一里 大口小口

俱在縣南八十里大口即橫望鎮小口即小口村

高平縣

長平關縣西北四十里即丹朱嶺一名江豬接長子縣界唐

志北有長平關

長平城縣西北二十里北齊置長平郡後漢志注曰泫氏有

長平亭史記正義曰括地志云長平故城在澤州高平縣

西二十一里即白起敗括於長平處 長平秦壁在城西

正義曰秦壁一名秦壘 趙壁縣北五里 正義一名趙東壘 上黨記長平城在

郡南秦壘在城西二軍共食流水澗相去五里秦坑趙衆

收頭顱築臺於壘中因山為臺崔魏桀起今仍號曰白起

臺城之左右沿山亘隰南北五十里東西二十餘里悉秦

趙故壘

按周赧王四十七年秦使左庶長王齕攻韓取上黨上黨

民走趙初秦謂韓與秦接壤為腹心之疾乃起兵一軍臨

滎陽一軍臨太行白起拔野王上黨路絕韓恐使陽城君

入謝於秦請効上黨之地以為和太守馮亭陰使人請趙

王曰韓不能守上黨且以與秦其民皆不欲為秦願為趙

今有城市之邑七十願拜納之趙王喜趙豹諫不聽竟取

之秦怒令公孫起王齕以兵遇趙于長平趙使廉頗將秦

斥兵斬趙裨將茄六月陷趙軍取二鄣四尉七月趙軍築

壘而守秦又攻之取二尉奪西壘壁廉頗堅壁以待秦挑

戰趙兵不出趙王數以爲讓而秦相應侯行千金爲趙反
間曰秦之所惡獨畏馬服君子趙括耳廉頗易與且降矣
趙王旣怒頗軍數敗反堅壁不敢戰又聞反間之言因使
趙括代頗秦聞括將乃陰使武安君白起爲上將軍而王
齧爲尉裨將令軍中無敢泄武安君者趙括至悉更約束
易置軍吏出兵擊秦秦佯敗而走張二奇兵劫之趙軍逐
勝追造秦壁堅拒不得入而秦奇兵二萬五千人絕趙軍
後又一軍五千騎絕趙壁間趙軍分而爲二糧道絕因築
壁堅守以待救是時趙用樓昌計媾秦求和諸侯聞之不
復救秦王自之河內賜民爵各一級發年十五以上悉詣
長平遮絕趙救及糧食至九月趙卒不得食四十六日皆
內陰相殺食來攻秦壘不能出其將軍趙括出銳卒自搏
戰秦軍射殺趙括括軍敗卒四十萬人降秦白起計曰前
秦已拔上黨民不樂爲秦而歸趙趙卒反覆非盡殺之恐
爲亂乃挾詐而盡坑之遺其小者二百四十人歸趙前後
斬首四十五萬人坑卒考曰趙括乘勝追造秦壁卽今
之省冤谷也其谷四圍皆高山聯絡前有一路僅容車馬
形如布囊趙軍旣入秦用奇兵絕其後軍分爲二糧道旣
絕趙軍入築壁堅守武安君築臺以覘趙軍今其臺尚存
因建空倉於西山以給趙軍趙軍絕糧四十六日人相食
急攻秦壘欲出不得括乃自搏戰秦射殺之一軍皆解甲
降秦白起誘入谷口盡坑之當時頭顱如山後人收而埋
之地初名殺谷唐元宗幸潞過此改名省冤谷取頭顱大
者以范之建骷髏廟有司春秋祀享俾不爲厲

省冤谷

縣西北二十里今王報義莊等村皆是其遺跡
百起臺
縣西六里髑髏山即起所築以規趙軍者
金王庭直省
冤谷記城西十五里有地曰殺谷乃秦將白起坑趙卒處
細視其跡於長脛骨間存銅漆矢一入骨寸餘因出矢而
揜之

空倉山縣西南四十五里接沁水縣界縣志右阻倉嶺即白
起詭運米置倉於此以給趙軍新建巡檢司城明萬曆三
十四年知州賀盛瑞縣令劉應召以空倉兩壁高山中通
小徑因立石城一座并寧旅來遠二墩防夫三十名以時
巡徼其城堡記云高平沁水之界有嶺曰空倉勢迫兩山
之間中通一線之路盜賊之淵藪行旅之坑阱咫尺之地
不復知有王法盜弗去則民弗安官弗嚴則盜弗去是故
設之關防嚴之重法

營防嶺城東十里傳為廉頗屯軍之所背峯面澤有險可憑
去嶺百餘步有古戰場方輿勝覽曰四面皆山中有平地
曰高平平地乃古戰場

大糧山接營防嶺廉頗積糧於此又名米山中多邃谷積雪
不消

米山鎮在米山下居民猶一邑當澤潞之衝

金門山城北五里當壘之門

光狼城縣西三十里史記白起攻趙拔光狼城括地志光狼
故城在澤州高平縣今名強營村聚落尚以秦趙為名

故關城北二十五里秦時築今其里尚名故關

白城即長平秦壘上黨記曰在郡南山中百二十里 晉永

嘉三年劉元海遣子劉聰及王彌寇上黨圍壺關并州刺史劉琨使兵救之為聰所敗淮南內史王曠將軍施融曹超等將兵拒聰曠既渡河欲長驅而前融曰彼乘險間出我雖百萬猶是一軍受敵姑當阻水為固以量形勢曠怒曰君欲沮衆耶融退曰彼善於用兵曠闇於事勢吾屬必死矣遂踰太行與聰遇戰于長平曠兵大敗融超皆死之上黨太守龐淳以壺關降賊

石壁關縣東二十里魏莊西大石坡

建寧鎮東四十里 玉井堡南十里 丁壁鎮堡南三十里 野川鎮堡西二十里 馬村鎮堡西三十里 唐安鎮西三十五里 周纂鎮堡西四十里 寺庄鎮堡北二十里 趙庄堡北四十里 換馬鎮堡北四十里

陽城縣

阜君塚口縣東南八十里有孤山萬山環列中孤峯突兀旁有村落為阜君口要衝河內濟源入陽城之阨出口即濟源太行山之盤谷也內有五里許棧閣道左絕壁右深壑猿獠攀陟林菁密茂行者惴慄有青蘿河經阜軍塚西入濟源 北史周高氏建德四年七月將東攻齊之河陰遣梁國公侯莫陳芮率衆一萬守太行道

荆子隘縣南八十里路通濟源明以懷慶衛兵守之

鐘鼓鎮在鐘鼓山縣西南八十里雲濛山西垣曲縣界 周

建德五年十月東攻齊遣大將軍韓明以步騎五千守齊子嶺鄆氏公尹昇以步騎五千守鐘鼓鎮

傅齊嶺縣西北七十里沁水縣界 北史周建州刺史楊擲

鎮車箱北齊令侯景趣齊子嶺擲恐其入寇邵郡率騎禦之景聞擲主大恐斫木斷道六十里猶驚而不安遂退還河陽

屯城縣東北三十五里秦白起置兵於沁河濱北爲武安沁水南爲屯城左山右澤險固可憑明崇禎五年九月流賊自武安犯縣東客將吳開先敗績於北留苑之賊趨澤州麻婁寨縣南四十里麻婁山東西中三峯尖峭若筆架實不連屬相距各四五里山南有蒸餅洞石壁百餘丈梯而上中廣二百餘步後有泉可飲數百人昔人作板橋三十格今圯又東十里有小寨山勢極高峻沁水東繞有鳥道裁可容步凡此處所避兵者多居之順治六年七月潞安賊喬炳許守信投姜逆黨張斗光於陽城麻婁寨後走西安

王村堡 下孔堡 北留堡 屯城堡 沁渡堡 上佛

堡 潤城堡 劉善堡 王曲堡 美泉堡 北安陽堡

陵川縣

五度關縣南八十里路通河南脩武輝縣舊志曰五度之險一夫可守明初以寧山衛官兵守之後罷

永和隘縣南六十里路通脩武縣明初設巡檢司後裁調寧山衛兵守之後復罷 唐討劉禎以王宰破天井關後不遂取澤州而以其子晏實守磁州爲顧望計下詔切責宰懼急圍陵川破石會關進攻澤州其將郭誼殺禎降省志謂石會即永和隘也又云襄垣縣石研關當在潞沁之間石會關在潞州亦當隸武鄉沁州襄垣間意當時復攻東北轉南向耶至乾河立寨則已逼澤州城下矣

秦嶺縣西北三十里北十里接寶應山連長治縣西火嶺明
流賊過陵川首掠西火秦嶺傳秦時築寨地長平之役秦
人遮絕趙救及芻餉而築也省志謂計石城百里非假以
歲月不易成蓋當循沁河之濱當絕險之地有城二北曰
武安南曰屯城皆白起屯兵之所左山右水進退有據其
去長平尚百餘里頓大兵于此越數險而擒薙勅敵俾無
噍類夫以四十萬衆既當其鋒又絕其後又宿重兵於別
所布置得宜陰陽互用吾觀武安之行營部置而信能成
于頃刻也卽秦王不親至河內發民十五以上赴長平武
安亦足自辦矣

馬武京砦縣東五十里馬武山周圍百里四壁峭立漢馬武
築砦屯兵于此東接河南輝縣石門店至輝縣治一百三
十餘里 金興定四年上黨公張開駐兵馬武山

九仙臺縣西南六十里石臺突起高數十丈上廣下狹攀援
而上南九十里卽脩武界 順治六年七月潞安賊沈烈
郭天祐奔往九仙臺

天柱山縣東八十里山麓至輝縣五十五里

古賢山縣西南七十里西通鳳臺南達脩武

王奔臺縣東南一百二十里輝縣界晉疆東南極境

附城鎮南四十里 池下鎮 楊村鎮 南馬鎮 路城

鎮

西火堡長治縣八十里接陵川界

沁水縣

東烏嶺縣西北四十五里與西烏嶺對峙西烏嶺隸平陽翼

澤州府志 卷之七
城縣西烏去縣七十里山有東西通道二嶺相對曰東烏西烏以山色黑名避宇文氏諱名烏半隸沁水半隸翼城乃沁與翼之險要明宣德四年置巡檢司

國朝設東烏嶺營屬潞安 西烏嶺營屬平陽雍正七年東烏嶺巡檢司移駐端氏鎮而東烏嶺營撥頭目防兵以時巡徼東烏嶺營駐防王寨鎮王寨鎮西至東烏嶺十五里東南至夫妻嶺四十五里夫妻嶺至林村嶺五十五里林村至端氏鎮二十里端氏至玉溪汎四十里 唐會昌三年九月石雄爲晉絳行營節度使代李彥佐時王宰屯萬善劉沔屯石會關討劉稹顧望莫先雄蒞事明日卽引兵踰烏嶺破五寨

端氏鎮縣東九十里雍正七年 巡撫覺羅石麟以端氏鎮離縣甚遠又爲長子高平鳳臺陽城諸縣往來必由之道實係山岔要路請移東烏嶺巡檢於鎮以資彈壓巡緝鬼山榼山東西相望沁河繞其中鬼山西數里濱於沁河爲端氏鎮

武安鎮縣東一百三十五里秦白起屯兵處故壘尚存

郭壁鎮縣東一百三里沁河經鎮東入陽城界 郭壁大砦二陳杜諸賊焚毀南砦北砦尚存

老馬嶺縣東一百五十里空倉嶺北商旅通衢山巖窩僻上設防兵

秋峪嶺縣東一百六十里高平界在老馬嶺北路出老馬秋峪之間

固鎮縣西三十里

青龍寨固鎮前十五里

唐澤潞降將高文端言固鎮寨四

崖懸絕勢不可攻然寨中無水皆飲澗水在寨東南約一

里許宜令王逢進兵逼之絕其水道不過三日必棄寨遁

去官軍即追躡前十五里至青龍寨亦四崖懸絕水在寨

外可以前法取也其東十五里則沁城李德裕奏請詔示

王逢

中村鎮縣西七十里東烏嶺營撥兵巡緝

大將村縣北九十里岳陽縣界沁河由村入境

竇莊堡縣東一百里榼山下卧牛山東為文筆峯又東數里

三峯竝立而竇莊在其下 堡東濱沁河明天啟時邑人

大司馬張五典築寨崇禎四年七月賊趙四兒六千餘人

東走山西總督洪承疇等兵逐之賊入沁水縣縣東北有竇

莊故張忠烈銓里居也先是銓父五典築墻為堡甚堅至

是賊犯竇莊五典已歿銓子道濟道澤俱官京師惟銓妻

霍氏守舍衆議棄堡去霍氏語其少子道澄曰避賊而出

家不保出而遇賊身更不保等死耳死於家不愈死於野

乎且守堅賊必不得志躬率僮僕為守禦賊至環攻之堡

中矢石竝發賊傷甚衆越四日乃退其避山谷者多遇賊

被殺惟張氏宗族得全兵備道王肇生表其堡曰夫人城

祥公嶺縣東北二百一十里長子界 東倪村東北二百七

十里 西倪村東北二百八十里 十里村東北二百九

十里

辛家河 道仁村 老母掌 西倪村 固鎮村

潞志載上黨漢史四關

大井關

在澤州此南關

壺口關

今吾兒峪先屬壺關今屬黎城此東關

上黨關

魏寄氏縣有上黨谷先屬猗氏今屬屯留此西關

石研關

研音陞按上黨舊轄沾縣北接井陘亦轄涅氏北通盤陀皆石徑故名此北關

當時全據諸險足稱四塞之國後割裂分屬然亦宜隨要害

設守

長平關

在長子此必與高都注氏分裂後置

穀關

在羊頭山下魏史

洛志周憲副曰關以守要害也而蹊徑可入隘以防傍曲也

而峯嶺可踰壺口關東石壁數仞昔人所築長城固儼然在也險屬上黨守屬中州非此方所獨擅寇在險內當外分其勢寇在險外當嚴為之防論國計宜重三晉重三晉尤宜重上黨自古及今形勢皆然

七卷終

澤州府志卷之八

津梁

鳳臺縣

晉南第一橋城南關跨白水名大石橋所謂澤之三源經城

西大石橋下嘉靖甲辰重修

東橋在東城外明鍾錫記云東橋斲木懸虛層構而起任載愈重為力益堅說者謂與西橋皆魯公輸所作弘治中撤而更新三十年間踈壞特甚

西橋在西城外考西橋券石所紀始工于金大定己酉告成于明昌辛亥四百餘年屹立如故信非庸工所能成化壬辰大水塞川而下橋毀而遺石尚存

通懷橋在縣南小箕村

景忠橋城東關元至正年建又名永濟橋

景德橋城西關一名沁陽橋金大定中知州黃仲宣建

雙橋在縣北一十五里雙溝上

長橋在縣西周村鎮

常澗橋城東三里

通濟橋縣西北大陽鎮

雙李橋縣東北巴公原南

七嶺橋城東十里明成化六年知州陳登重建

五龍山橋在洞陽山東雍正十一年七月暴雷崩石裂出清

泉一道甘寒可已疾居民建橋於泉上又作亭於橋上以

慰游者邑人陳壯履有記

高平縣

浮雲橋在城西北五里丹河上洪武七年知縣姚思恭建萬

曆中邑令許安遇洪聲遠任大僚肅炳相繼重脩今改名

迎恩橋在東關每夏河流暴漲橋工三就而三圯圯時塵

綢繆焉

集賢橋縣治前順治十年邑人張鑿建知縣范繩祖重脩

龍溪橋在龍泉里北

浚水橋在西關明邑令李楨建有碑記以地逼西山時多水

患前令劉大實築堤以禦而水泛土潰居民苦之萬曆元

年令李楨鑿濠引水由南之東抵龍曲村會丹河因築此

橋於關外以通往來

通濟橋在縣南二十里晉豫孔道明萬曆二十三年邑民許

朝家建歲久傾圮雍正十年知縣胡正履偕朝家孫貴重

脩邑人牛道遠記

橫澗橋縣南三里相傳楊道人建橋北路陡險淮鹽院張翮
甃石成路邑人龐太樸碑記

永濟橋縣東北換馬鎮弘治四年建

換馬橋在換馬鎮北

老金橋縣南十五里喬村驛驛丞金建

迎恩橋周纂鎮北

許河橋縣南二十里水村河

崇正橋在縣唐莊梨園之交知縣許安遇建嗣令洪聲遠任
大僚繼脩以兩村中有巨壑行者過唐莊迤北復折而南
始抵梨園也

范公橋在城南順治十五年知縣范繩祖建橋北又甃石路

直抵南關

丹河石隄雍正五年知縣甘士瑛築堤高一十八尺長六百
尺有碑記

陽城縣

通濟石橋縣東門外明宣德十年知縣劉綱建

西關石橋在總舖東

吉莊石橋在水磨頭東邑人白所蘊建

通驛石橋在下孔村東

觀音石橋在柵村東

小石橋城東二十里

土橋二一在王曲村東一在澤城村北

潤城津縣東二十二里

沁渡津縣東二十里

王村津縣東二十一里

上佛津縣東二十六里

閻家津縣東四十里皆沁河渡頭津各有官渡船隻冬春成梁

陵川縣

通文橋在城外東南隅金時有孔廟故名城廡側有通文門其跡尚存

蒲水橋城北二十里蒲水河上

獅頭橋縣東三里

通濟橋南馬鎮西

水利橋縣西十五里魯山村邑人曹延庚延喜建延庚曾官

浙江水利人因名之

沁水縣

鄭莊橋在鄭莊

樊莊橋在樊莊

郭壁橋在郭壁

賈封橋在賈封村南

東關橋縣東關

板橋在板橋村

曲隄渡在縣東

鄭莊渡在縣東

武安渡在縣東南

何公橋在縣東城外跨楊杏一河知縣何陟宮督建

卷之八終

澤州府志卷之九

驛堠

鳳臺縣

太行驛原額所夫一百二十八名歲支工食銀九百四十五兩四錢四分零雍正三年裁夫六十八名併裁接遞皂隸十六名所裁丁食銀兩并解冀寧道交納 原額馬四十四匹夫三十名共支工料銀一千八十兩雍正五年裁馬十五匹夫七名半裁銀悉解冀寧道

雍正六年奉文改州為府始歸縣轄又雍正七年太行驛驛丞裁汰歸併鳳臺縣專管

雍正十年又裁去所夫二十五名

存留馬二十五匹馬夫十二名半共工料銀六百七十五

清少府志 卷之九
兩 舊撥協濟馬一匹夫半名工料銀二十七兩解冀寧道

雍正七年撥往大同協濟馬十三匹夫六名半工料銀三百五十一兩鳳臺縣遣人喂養 又雍正十年撥往殺虎口蒙古站馬一匹夫半名工料銀二十七兩解冀寧道
現在驛應差馬十匹夫五名工料銀二百七十兩按季支發

實在驛應差所夫三十五名歲支工食銀二百五十八兩五錢一分九釐九絲三忽五微六纖一沙三塵二渺四埃星軺驛原額所夫八十七名歲支工食銀六百三十四兩六錢三分零雍正三年裁夫三十七名雍正十年裁夫三十五名所裁工食銀兩悉解冀寧道交納 原額馬三十四

馬夫十五名歲支工料銀八百一十兩舊撥協濟馬五匹夫二名半工料銀一百三十五兩解冀寧道

雍正七年撥往大同協濟馬十四匹馬夫七名工料銀三百七十八兩解冀寧道 又雍正十年撥往殺虎口蒙古站馬一匹夫一名工料銀五十四兩解冀寧道 現在驛應差馬九匹馬夫四名半共支工料銀二百四十三兩按季支發

實在驛應差所夫十五名歲支工食銀一百九兩四錢一分九釐八絲三忽一微二纖三沙四塵按季支發 原澤州太星二驛站銀三千六百一十四兩二錢六分四釐三毫又地丁正項抵支不敷銀一千五百八十七兩錢五分七釐七毫 原額二共銀五千二百一兩五錢二分二釐

一解冀寧道各案裁減銀三千二十四兩五錢八分三釐
八毫二絲三忽五微八纖五沙二塵七渺六埃
一解冀寧道協濟塘馬工料銀六百二十一兩
一存留官支銀三百二十四兩如不動支亦解冀寧道
一在驛夫馬支領銀一千二百三十一兩九錢二分八釐
一毫七絲六忽六微八纖四沙七塵二渺四埃
各驛馬每匹日支草料銀六分
各驛馬夫每名日支工食銀三分
太行驛所夫每名日支銀二分五毫一絲七忽三微八纖
八沙三塵七渺七埃七漠
星軺驛所夫每名日支銀二分二毫六絲二忽七微九纖
三沙二塵七渺一埃

長平驛所夫每名日支銀一分九釐七毫四絲六忽三微
四纖六沙九塵三渺三埃七漠

高平縣

長平驛原額所夫七十八名歲支工食銀五百五十四兩四錢七分零
雍正三年裁夫十八名併裁接遞皂隸十六名歲減工食銀九十六兩又舊案裁老馬嶺防夫八名工食銀五十七兩六錢俱解冀寧道
雍正十年又裁所夫二十五名共減工食銀一百七十七兩七錢一分零解冀寧道
原額馬三十八匹馬夫十九名歲支工料銀一千二十六兩
雍正五年裁馬十三匹夫六名半共減工料銀三百五十一兩
舊有差撥協濟馬六匹夫三名工料銀一百六十二兩
雍正七年差撥韓家樓協濟馬十二

匹夫六名工料銀三百二十四兩以上俱解冀寧道

現在驛應差馬七匹夫三名半每年共支工料銀一百八十九兩按季支發

實在驛應差所夫三十五名歲支工食銀二百四十八兩八錢三釐九毫七絲一忽三微八纖九沙二塵八渺按季支發

喬村驛原額馬三十八匹夫十九名共工料銀一千二十六兩 雍正五年裁馬十三匹夫六名半共減工料銀三百五十一兩 又舊有差撥協濟馬六匹夫三名工料銀二百六十二兩 雍正七年差撥協濟李家溝馬十四匹夫五名韓家樓馬二匹夫一名工料銀共三百二十四兩以上俱解冀寧道

現在驛應差馬七匹夫三名半每年共工料銀一百八十九兩按季支發

本驛不設所夫以長平驛所夫向例駐劄高平縣南關凡應付差使南接鳳臺縣九十里北送長子縣九十里

陽城縣舊例額設接遞皂隸八名歲支工食銀四十八兩聽募夫皂一十六名其支工食銀九十六兩 接遞損轎夫四十名歲支工食銀一百七十兩六錢六分七釐六毫今裁

陵川縣接遞損轎夫十名歲支工食銀六十兩 協濟沁水縣募夫工食銀四十五兩一錢今裁

沁水縣接遞皂隸十名歲支工食銀六十兩 徵銀發雇轎夫工食銀一百三十二兩錢九分三釐今裁

陽陵沁三縣原無驛站舊設有接遞皂隸及接遞雇募損
轎夫一項雍正三年內俱屬奉文裁汰

一澤州府添設民壯於雍正七年奉欽奉

上諭事案內澤州府添設民壯四十名同知民壯二十五名
又于雍正十三年內奉遵

旨議奏事案內裁汰本府民壯三十名同知民壯全行裁汰
本府存留十名鳳臺撥一名陽城撥三名陵川撥三名沁
水撥三名

雍正六年二月奉文改州爲府等事議詳本府額設馬快
十名每名歲支工食銀六兩共銀六十兩步快十六名每
名歲支工食銀六兩共銀九十六兩二共銀一百五十六
兩每年鳳臺縣在地丁銀兩內解支

雍正十年十月內奉文議詳本府同知添設捕役八名協
緝五縣盜賊每名歲支工食銀六兩共銀四十八兩鳳臺
縣解支

雍正十三年二月二十日奉文各縣議減民壯額數 鳳
臺縣裁留民壯四十名每名歲支工食銀七兩二錢共銀
二百八十八兩

高平縣裁留民壯三十五名歲支工食銀共二百五十二
兩

陽城縣裁留民壯三十二名歲支工食銀二百三十兩四
錢

陵川縣裁留民壯三十二名歲支工食銀二百三十兩四
錢

沁水縣裁留民壯三十二名歲支工食銀二百三十兩四錢

五縣均添捕役各八名每名歲支工食銀六兩每縣共銀四十八兩

澤州府屬各路墩臺共三十一座

望火臺府治東門三里舊無防兵有鋪司

七嶺店鳳臺縣東十里有營房

王太鋪縣東二十里有營房

巴公鎮距王太鋪十里有營房

李村堡距巴公鎮十里有營房

邵村東里距李村堡五里三家店鎮有鋪司至界牌嶺接高平縣喬村驛

喬村驛距邵村東里五里有營房接高平縣界

南陳鋪至高平縣南關二十里有營房

高平縣南關有營房

西洋鋪距高平縣南關二十里有營房

范店鋪距西洋鋪二十里有營房北即長平驛

鴉兒鋪距范店十里接潞安府長子縣界牌嶺三里有營房

二十里鋪鳳臺縣附郭西路至二十里鋪地名寨子嶺有營房

周村鎮距二十里十里接陽城縣界

沁渡鋪陽城縣東北距周村二十里有營房

陽城縣東門有營房駐劄城內無墩臺望樓距沁渡二十里

芹池鋪陽城縣西四十里有營房

大峪溝距芹池二十里接沁水縣界有營房

夫妻嶺沁水縣東十五里距大峪溝二十里有營房

東烏嶺沁水縣西北四十里有營房又距嶺二十里嶺接平陽府翼城縣界縣有西烏嶺東西相望約間五里許

多宿防兵

中村鎮 沁水縣西七十里接翼城界係山澗小通衢路有營房

林村嶺 沁水縣東十里山澗小通衢路有營房

端氏鎮 距林村嶺二十五里山澗小通衢路有營房

玉溪村 距端氏鎮四十里通老馬嶺路接高平離高平縣七

茶店鎮 鳳臺縣南十里有營房

南河底 距茶店鎮二十里有營房

天井關 河底至關十里有營房

攔車鎮 距天井關二十里有營房

油房頭 距攔車二十里有營房

大口村 即橫望鎮下有碗子城晉豫兩省通衢臺設太行山頂直見河南懷慶府極得地勢距油房頭二十里有

營房

小口村 大口偏西距攔車十里接豫省河內縣界有營房此屬晉豫要衝臺樓俱改築高大

以上各路墩臺望樓係雍正十二年奉 憲頒式改建及

增設脩築查陵川縣山僻小邑前此全無墩臺營房止奪

火鎮新議設防現在詳定

澤州府屬鋪遞 凡鋪字從金俗作鋪

鳳臺縣共二十二鋪鋪司兵七十七名每名工食銀五兩

五錢四分二毫五絲九忽每年共工食銀四百二十六兩

六錢

總鋪 在城六名 望火臺鋪 城東三里 孫村口鋪 城北十五里 新橋鋪 城北

二十里李村鋪 城北四里 界牌嶺鋪 城北五里 以上每鋪四名

高都鋪 城東三里 黨庄鋪 城東四里 以上每鋪三名 崗頭鋪

城西西峯鋪 城西五里 石窰鋪 城西五里 上町鋪 城西五里 河村

鋪城西四十五里接陽城北留孟家店鋪城南建聖鋪南

十七神泉鋪城南二其泉鋪城南三風門鋪城南四攔車

鋪城南五三尖鋪城南六夾泉鋪城南七碗子城鋪城南

里接河南河內縣長平鋪十里以上每鋪三名

高平縣共八鋪鋪司兵三十三名每名工食銀六兩每年

共工食銀一百九十八兩

總鋪縣治西五名 玉井鋪縣南十名 南陳鋪縣南二名 喬村鋪縣南三名

鳳臺臨丹鋪縣北十名 西陽鋪縣北二名 范店鋪縣北三名 鴉兒鋪

縣北四十里接長子縣張店鋪以上每鋪四名

陽城縣共十鋪鋪司兵四十一名每名工食銀五兩四錢

每年共工食銀二百二十一兩四錢

總鋪在城五名 兩孔鋪縣東十名 河頭鋪縣東二名 北留鋪縣東三十

周村李邱鋪縣西十名 陽邑鋪縣西二名 友泉鋪縣西三名 芹池鋪

縣西四泉秀鋪縣西五名 大峪溝鋪縣西六名 以上每鋪四名

陵川縣共八鋪鋪司兵二十五名每名工食銀五兩四錢

每年共工食銀一百三十五兩

總鋪南關外四名 四堰鋪縣南十名 嘉爐鋪縣南二名 罐泉鋪縣南三名

附城鋪縣南四里 梧桐鋪縣南五里 西王鋪縣南六里 峯頭鋪縣西

南七十里通鳳臺縣黨莊鋪以上每鋪三名

沁水縣共六鋪鋪司兵二十六名每名工食銀四兩八錢

六分八釐五毫三絲六忽每年共工食銀一百二十六兩

五錢八分二釐

總鋪在城四名 石佛鋪縣東五里 富店鋪縣東十五里 接陽城蘇莊

鋪縣西十里 孔峪鋪縣西二十里 固鎮鋪縣西三十五里 接翼城縣六名

晉豫界域

鳳臺縣與河南濟源縣交界立石處

一曲良掌村南五里風門口舊有界碑南屬濟源北屬鳳臺

一縣西南元家胡樹口立界南屬濟源大河里嶺西村二里

北屬鳳臺曲良掌村五里

一西瓦河溝立界溝南屬濟源嶺西村二里溝北屬鳳臺時脚村半里

一縣東黃花山仰天池立界南屬濟源牙道村三里北屬鳳臺嶺東村一里

一黃花山底立界南屬濟源牙道村半里北屬鳳臺嶺東村三里

一萬乾山舊有界碑址有南北大溝一道以溝爲界西南屬

濟源東背村三里東北屬鳳臺東谷坨村一里

陽城縣與河南濟源縣交界立石處

一酸棗嶺新立交界碑北至陽城草坨坨村八里正東至濟

源恭娥澗村五里

一荆霜嶺新立界碑西北至陽城劉家腰村八里正東至濟

源恭娥澗十二里

一仙人橋舊有界碑北至陽城劉家腰五里南至濟源脚則

底口十里

一蓮花廸風門口舊有交界碑南至濟源磕井村二十里北

至陽城王瓜掌三十里

一爰魚溝二道霜新立界碑南至濟源白澗村二十里北至

陽城王瓜掌三十里

一南呂門根大石頭新立界碑南至濟源訓掌村三十五里

北至陽城洪水村五里

雍正十三年四月四日濟源巡檢陳文機陽城典史延宗

顏公同勘立界石

界石

山西地方南界

嘉靖二十九年庚申十一月奉直大夫知澤州事樂亭王好學立

碑石立孟良寨外縣南九十五里

山西澤州南界

石立孟良寨外

鹽院禁約

澤州河內縣交界迤北迤南俱食河東官鹽不許買食長蘆

越境私鹽違者拿究萬曆二十七年五月日立石

石立孟良寨外

晉豫交界碑

遵奉

晉撫憲金

布

二司

詳允會議踏驗鐵嶽山分立界限永為

遵守本山有山溝一道順溝以溝中分界溝南堆係河南

地界溝北堆係山西地界河南懷慶府知府加一級楊廷

耀通判王彥賓河內縣知縣劉釐典史和嵩山西澤州知

州金祖誠吏目陳嘉瑞巡檢張其德康熙十六年八月十

二日全立

懷慶府為嚴飭地方事會看得奉勘鐵嶽山一案前蒙晉

撫詳批據詳鐵嶽山會看晉豫交界之間無版圖可考

彼此不受管轄議令兩省協力嚴禁共保地丁但尺土寸

地必有管轄金無中立之處倘日後有事何省之官任其

責罰必啓分爭之端除咨會豫省撫院仍飭令該府會勘

定議外仰即行令該州勘明此山或應歸晉或應歸豫或
 中分其界作何管轄務要着落等語業經遵行會勘明白
 申報在案今蒙咨驗公同復勘以此山荒野曠僻兩省金
 無誌書可考又乏古蹟界限可稽為今之計惟有山溝一
 道順溝中分其界公同酌定溝南堆係河南地界溝北堆
 係山西地界其山溝兩崖俱有洞口已經封塞仍令嚴加
 禁止兩省各撥夫役看守勿致推諉俟詳允日同書職銜
 監碑於彼永為遵守以斷葛藤以清案牘者也等情各申
 各憲去後蒙 山西撫院土批既經勘明分界如詳會立
 碑記繳

界石

山西地方南界

嘉靖三十九年歲次庚申十一月日奉
 恒大夫知澤州事樂亭王好學立

此立石處即孟良寨外至鳳臺縣城九十五里

山西澤州南界

此立石處亦即孟良寨

磐石長城

大明嘉靖二十二年孟秋巡撫河南都御史秦
 中李宗樞建

此界因流賊作亂河南借地脩城



